



Ч362

9559

Р-18

Қаҳрамон Ражабов

Шермуҳаммадбек

TÜRKİSTAN İSTİKLAL
MÜCADELE BAŞ KUMANDANI
GAZİ ŞER NEHMET BEK
78.YAŞIDA 10 MART 1970
TARIHİNDE HAKKIN
RAHNETİNE KAVUŞNUSTUR

ҚАҲРАМОН РАЖАБОВ

Шермуҳаммадбек

(рисола)

ТОШКЕНТ
«ABU MATBUOT-KONSALT»
2011

УДК 94(575)(092) Шермуҳаммадбек

ББК 63.3(5Ў)6

Р17

Лойиҳа муаллифи:
тарих фанлари доктори Қ.Қ. Ражабов

Такризчи:
тарих фанлари доктори, профессор Р.Т. Шамсундинов

Ражабов, Қаҳрамон.

Шермуҳаммадбек (рисола) / Қ. Ражабов; лойиҳа муаллифи Қ.Қ. Ражабов. – Т.: АВУ МАТВУОТ-КОНСАЛТ, 2011. – 56 б. – (Тарих ва тақдир).

Мазкур тарихий рисолада Туркистон минтақасидаги истиқлолилик харакатининг йўлбошчиларидан бири, машхур кўрбоши Шермуҳаммадбек хусусида сўз боради. Муаллиф архив хужжатлари, ўша давр матбуоти материаллари, замондошиларининг хотиралари ҳамда бошқа маълумотлар асосида Туркистон озодлиги ва мустақиллиги учун қурашган машхур кўрбошининг тўлақонли сиймосини яратган.

Ушбу рисола кент китобхонлар оммасига мўжалланган.

УДК 94(575)(092) Шермуҳаммадбек
ББК 63.3(5Ў)6

Сўзбоши

Туркистон мустақиллиги учун совет режими ва қизил армияга қарши курашган фидоий инсонларнинг жасорати орадан қарийб бир аср ўтган бўлишига қарамасдан бутунги кунда ҳам муҳим аҳамиятта эга. Ўзбек халқининг ўн минглаб ўғлонлари бошқа туркий халқлар вакиллари билан биргаликда 1918–1935 йилларда Туркистон озодлиги ва мустақиллиги учун совет режимига қарши фидокорона курашдилар. Бу кураш, хусусан, Фарғона водийиси ва Шарқий Бухорода жуда кучли бўлган. Туркистондаги истиқолчилик ҳаракатининг таниқли намояндадаридан бири марғилонлик Шермуҳаммадбек қўрбоши (1893–1970) саналади. У 1918–1922 йилларда Фарғона водийисидаги миллий озодлик ҳаракатининг етакчи раҳбарларидан бири, истиқолочиларнинг тан олинган ҳарбий қўмонандони эди.

Ушбу сатрлар муаллифи 20 йилдан ортиқ вақт давомида Туркистондаги истиқолчилик ҳаракати тарихи, ҳаракатнинг ҳарбий ва ғоявий раҳбарлари фаолияти, хусусан, қўрбошиларнинг мураккаб ва зиддиятли тақдирини ўрганиб келмоқда. Кўп йиллик илмий изланишлар натижасида бу мавзуда 1995 йили номзодлик, 2005 йили эса докторлик диссертациялари ҳисоя қилинди. Чоп этилган турли рисола, монография, дарслик ва ўкув қўлланмаларида бу муаммонинг турли жиҳатлари қўрсатилди. Бироқ Шермуҳаммадбек фаолияти бу асарларда бальзи сабабларга кўра тўлиқ ёритилмаганлигини бир ўқинч билан айтиб ўтиш лозим. Ниҳоят, Шермуҳаммадбек қўрбоши ҳақидаги айrim материаллар умумлаштирилди ва мазкур тарихий рисолага тартиб берилди.

Шермуҳаммадбек қўрбоши фаолиятини тарихий маибалар асосида холис ўрганиши бутунги ёш авлод учун ибрат намунаси ни ўтайди, деган умиддамиз. Шермуҳаммадбек ҳаёти ва фаолиятида биз учун айни пайтда сабоқ чиқарадиган аччиқ тажриба ва ўрнак бўларлик турли жиҳатлар мавжуд.

Шермуҳаммадбекнинг болалиги

Шермуҳаммадбек (архив ҳужжатлари ва совет адабиётларида Шермат қўрбоши ёки Кўршермат [унинг чап кўзига ўқ текканилиги учун шундай ном беришган]) ҳозирги Фаргона вилояти Тошлоқ туманидаги Гарбува (Гарбобо, Карбобо) қишлоғида, беклар авлодидан бўлган Кўшоқвой ҳожи хонадонида, 1893 йилда туғилди. Бирок, Иброҳим Ёрқин (1902, Тошкент – 1993, Анқара) «Turk kulturu» тўпламида Шермуҳаммадбекнинг вафотига бағишлаб ёзган мақола-некрологида уни 1889 йилда туғилган деб янглиш кўрсатади. (Бу ҳақда қаранг: *Ibrahim Yarkin. Turkistanin Buuyuk Musahidi // Turk kulturu*. Sayi 91. 1970. S. 495–499). Кўшоқвой ҳожининг ота авлодлари Кўқон хонлари ҳузурида вазирлик, беклик қилишган бўлса, онаси Ойдин оғоча Кошғардан келип бўлиб тушган эди.

Шермуҳаммадбекнинг Тожмуҳаммадбек, Рўзимуҳаммадбек деган акалари, Нурмуҳаммадбек ва Тошмуҳаммадбек исмли укалари ҳамда Сарвенисо ва Тўғифон исмли сингиллари бўлган. Унинг онаси Фазилатхон ая Кўшоқбек ҳожининг кенжак хотини эди. Шермуҳаммадбек оиласда учинчи фарзанд бўлиб, дастлабки таълимни қишлоғида, кейин Марғилонда олган. Шермуҳаммадбек ёшлигидан илмга чанқоқ, айни шайтда жангари ва жасур йитит бўлган. У кўп ўқиган, шунинг учун ҳам аждодларга ҳурмат ва мустамлакачиларга нафрат руҳида тарбияланган.

Кўшоқвой Марғилон яқинидаги Кумариқ қишлоғи амини бўлган. Унинг отаси Абдураҳимбек Кўқон хони Худоёрхон саройида хизмат қилган. Туркиялик тадқиқотчи Али Бодомчининг ёзишича, Кўшоқвой ҳожи 1915 йили Ҳижоз ўлкасидан – Ҳаж зиёратидан қайтиб келаётган пайтда Қиримда вафот этган. Айрим маълумотларга кўра, Кўшоқвой ҳожи Ҳаж зиёрати пайтида Мадинада ўлган. У Истанбулда вафот этган деган фикр ҳам бор. Ота беш ўғлига ўлгадаги Россия мустамлакачилиги зулмига қарши кураш олиб боришни васият қилган.

Хуллас, отадан ўтилларга мерос бўлиб ватанпарварлик туйгуси қолган.

Шермуҳаммадбек камгаи ва адолатпеша шахс эди, деб хотирлайдилар Фарғона қариялари. У дастлаб деҳқончилик билан машгул бўлиб, мироблик қиласди. Аҳмад Закий Валидий кейинчалик ўзининг «Хотиралар» номли китобида ёзишича, Шермуҳаммадбек 1916 йилда Россия империяси томонидан мардикорликка олинган ва уруш мэрраларида ишлаш учун сафарбар қилинган кишилар қаторида Польша фронтига ташланган. Шермуҳаммадбек 1916 йилдаги қўзғолонда ҳам фаол қатнашган.

1917 йил баҳори ва ёзида Фарғона водийсида бўлган сиёсий жараёнларда Шермуҳаммадбек фаоллик кўрсатган. 1917 йил ёзида Тошлоқда бўлган сайилда Россия Муваққат хукуматининг Туркистондаги маъмурлари маҳаллий аҳолига қарши ўқ отишган. Бу даврда бошланган ҳалқининг норозилик чиқишлирига Шермуҳаммадбек раҳбарлик қиласди.

Қўрбошилар ким бўлган?

IIIарихий адабиётларда яқин пайтларгача қўрбошилар хусусида тури фикрлар келтирилиб, улар «босқинчи ва каллакесар» сифатида тасвирланган. Қўрбошиларнинг ҳарбий фаолияти ҳам бузиб талқин этилган. Аслини олганда туркий ҳалқлар, хусусан, ўзбек ҳалқининг ҳарбий санъати тарихида қўрбошилар муҳим роль ўйнаган. Даставвал, қўрбоши тарихий ҳарбий атамасининг маънолари хусусида. Қўрбоши сўзи ўзбекча қўр + боши сўзларидан ясалган. Қўрбошилар қуйидаги лавозимларда ишлаганлар:

1) Ўрта асрларда Ўрта Осиё хонликлари ва айрим Шарқ давлатларида дастлаб шаҳарни тунда қўриқловчи миршаб; сўнgra курол-яроғ омбори (қўр) мутасаддиси ҳамда қурол-аслаҳа, тури яроқлар ва тўп ясаш корхоналари (қўрхона) бошлиғи. Кўқон хони Худоёрхон даврида қўрбоши қўрхона, милтиқхона, тўпхоналарга раҳбарлик қилиб, у хом ашё топиб келишдан то тайёр маҳсузот ишлаб чиқариш ва уларни хон қарорига биноан тарқатишгача бўлган жараёнга бошчилик қиласди. Масалан, Бахти Муҳаммад қўрбоши бошчилигида европача қуроллар (фаранг милтиғи), тўплар, жазойиллар ва уларнинг ўқлари, ўқ кутилари, тўп арабалари ва қурол-аслаҳаларнинг эҳтиёт қисмлари иш-

лаб чиқарилган. Бу даврда қўрбоши йилига саройдан 400 танга маош олган.

2) Туркистон ўлкасида Октябрь тўнташигача бўлган даврда маҳаллий полиция бошлиғи. Масалан, Кўқон ва Марғилонда 1917 йилда шаҳар миршабларининг бошлиғи қўрбоши деб аталган.

3) Туркистонда совет режимига қарши куролли ҳаракат ҳарбий раҳбарларининг унвони. Қўрбошилар истиқлолчиларнинг тан олинган етакчилари бўлиб, улар нуфузли кишилар ҳисобланган. Қўрбошилар сиймосида беклар ва уламолар билан бир қаторда ботир ва жасур йигитлар тимсоли мужассамлашган эди. Хуллас, улар халқнинг турли табақалари орасидан чиқсан обрули шахслар бўлишган. Қўрбошилар ичида ҳатто аёллар ҳам бўлган.

Туркистондаги истиқлолчилик ҳаракатининг дастлабки давлари (1918–1922 йиллар)да қўрбоши даражасининг мақоми генерал унвонига тенг бўлиб, улар қўл остидаги ўз йигитлари томонидан сайланган ва истиқлолчиларнинг Олий бош қўмондони томонидан тасдиқланган. Бу унвонга факат 5–6 минг кишилик иирик ҳарбий қўшилмаларнинг раҳбарларигина сазовор бўлган. Кейинчалик эса 100–150 йигитта бошчилик қилган дала командирлари ҳам ўзларини қўрбошилар деб эълон қилишди.

Фарғона водийсида Кичик Эргаш, Кагта Эргаш, Мадаминбек, Шермуҳаммадбек, Ислом Полвон, Ёрмат Махсум, Муҳиддинбек, Партии қўрбоши, Омон Полвон, Раҳмонқул, Самарқанд вилоятида Очилбек ва Баҳромбек, Бухоро республикасида Иброҳимбек, Мулла Абдулқажхор, Давлатмандбек, Фузайл Махдум, Ҳамро Полвон, Ўрмон Полвон, Эшон Султон, Ҳоразм республикасида Жунаидхон ва Темир Алихон сингари ҳарбий қўмондонлар, шунингдек, Нодира қиз, Шакархон каби аёллар Туркистон қўрбошиларининг энг машҳур намояндалари ҳисобланади.

Туркистон фронти қўмондошлиги ва большевиклар қўрбошиларга қарши шафқатсиз жазо чораларини қўллашган. РСФСР ҳарбий ва дениз ишлари халқ комиссари Л. Троцкий (1879–1940) 1922 йил июнда Фарғона водийсига келганида қўрбошиларни аёвсиз қириш тұғрисида маҳсус кўрсатма берган. 1923 йил ноябрда Фарғона вилоятида қамоқقا олинган 181 та қўрбошининг иши ҳарбий трибуналга топширилиб, улар қатағон қилинган.

Хуллас, мустабид совет режими даврида коммунистик мафкуранинг тазиёти билан кўрбошилар қароқчи ва каллакесар ҳамда ҳалқ душмани сифатида талқин қилинди. Кўрбошилар жисмонан маҳв этилган бўлсалар да, уларнинг хотираси ҳам оёқ ости қилиниб, ҳатто бу сўз «босмачи» ибораси сингари факат салбий маънода ишлатилди.

Коммунистик мафкуранинг бу тазиёларига қарамай XX аср жаҳон тарихшунослигида кўрбошилар фаолияти тўғрисидаги холис ҳақиқат қийинчиллик билан бўлса ҳам қарор топа бошлиди. Ҳусусан, ўзбек тарихчилари XX аср охири ва XXI аср бошлирида кўрбошиларнинг зиддиятли ва фожиали фаолиятини ёритища салмоқли муваффақиятларга эришдилар.

Франциялик йирик археолог ва тарихчи олим Жозеф Кастанье «Босмачи» (Париж, 1925) асарида Туркистон минтақасидаги 62 нафар йирик кўрбошиларга махсус таъриф берган. Туркиялик тадқиқотчи Абдуллазода Тукли «Фарғона мужоҳидлари» («Янги Туркистон» журнали, Истанбул, 1928 йил, 8-сон) асарида Шермуҳаммадбек бошчилигидаги 8 минтақа қўмандонлари қўл остида ҳаракат қилган 65 нафар кўрбошининг исми-шарифини келтиради. Унинг таъкидлашича, Фарғона мужоҳидлари орасида генерал унвони соҳиби бўлган 125 нафар йирик кўрбоши бор эди. Бошқа бир турк иқтисодчи ва тарихчиси Али Бодомчининг «1917–1934. Туркистон миллий истиқол ҳаракати. Кўрбошилар ва Анвар Пошо» (I жилд: Истанбул, 1975; I–II жиллар: Истанбул, 2008) номли икки жилдлик йирик асарида Фарғона водийсида Шермуҳаммадбек раҳбарлигидаги 9 нафар қўмандон ва 78 нафар йирик кўрбоши, шунингдек, 150 нафар таниқли понсад, Шарқий Бухорода Иброҳимбек бошчилигидаги 27 нафар, Самарқанд вилоятидаги 8 нафар, Хоразмдаги 3 нафар кўрбоши, хуллас, Туркистон минтақасидаги 125 нафар йирик кўрбошилар ва 150 нафар понсадлар ҳақида муҳим маълумотлар мавжуд. Хорижда муҳожирликда яшаган ватандошлиримиздан Боймирза Ҳайит (1917, Наманган – 2006, Германиянинг Кёльн шаҳри) «Туркистон Русия ила Чин орасинда» (Истанбул, 1975), «Туркистон давлатларининг миллий мужодалалари тарихи» (Анқара, 1995), «Босмачиллик». Туркистон миллий мужодала тарихи (1917–1934)» (Анқара, 1997) ва бошқа асарларида факат Фарғона водийсида ҳаракат қилган 9 нафар лашкарбоши ва 69 нафар йирик кўрбоши фаолияти ҳақида маълумотларни кел-

тиради. Шаҳобиддин Яссавий Исмоилшайх ўғли (1919, Туркистон – 2010, Истанбул) эса «Туркистон аччиқ ҳақиқатлари» (Истанбул, 1984; 2-нашири) асарида Туркистонда фаолият кўрсатган 114 нафар қўрбошига маҳсус таъриф беради.

Ўзбекистон Республикасида мустақилликдан кейин олиб борилган тадқиқотлар натижасида ушбу сатрлар муаллифи томонидан Туркистон минтақасида қизил армияга қарши кураш олиб борган мингдан ортиқ қўрбошиларинг номлари илк бор тикланди ва уларнинг ҳарбий фаолияти ўрганилди.

Хуллас, Туркистон мустақиллиги учун совет режими ва қизил армияга қарши курашда истиқлолчилик ҳаракатининг ҳарбий йўлбошчилари – қўрбошилар муҳим роль ўйнашган. Ана шундай қўрбошилардан бири Шермуҳаммадбек ҳисобланади. Фарғона водийисидаги истиқлолчилик ҳаракатининг раҳбарлари ўртасида Шермуҳаммадбек қўрбоши алоҳида ажралиб туради.

Ҳарб майдони сари

Шермуҳаммадбек Фарғона водийисида совет режимига қарши миллий озодлик учун курашнинг илк босқичидан бошлаб жанг майдонига кирган. У Кагта Эргаш (тагминан 1882–1921) ва Мадаминбек (1892–1920) каби қўрбошиларнинг ўринбосари сифатида истиқлолчиларнинг тан олинган иирик лашкарбошиси эди. У кураш майдонига қадам қўйган илк кунлардан бошлаб «Туркистон – туркистонликларнинг юртидир, унга бошқа ҳеч кимнинг эгалик қилишга ҳақиқи йўқ!» – деган шиорни ўртага ташлаган. Унинг асосий мақсади Туркистонда ислом жумҳуриятини ташкил қилиш бўлган. Мадаминбек либерал йўлбошчи бўлган бўлса, Шермуҳаммадбек кескин ҳаракат қиласидан радикал қўмондон эди.

(Шермуҳаммадбек фаолияти бугунги кунда республиканизда нашр қилинган айрим китобларда бузиб кўрсатилмоқда. Файласуф И. Каримов ўзининг «Мадаминбек» номли асарида Туркистон мустақиллиги учун курашган бу фидойи инсонни Кўршермат деб таҳқиrlаш билангина чекланиб қолмасдан, балки у кўрсатган жасоратларни сохталаширади ҳам. Мадаминбекдан ташқари Фарғонадаги бошқа қўрбошилар ҳақида туҳматомуз фикрлар тиқилиб ётган, коммунистик ғоя ва синфийлик руҳи

билин сугорилган бу китоб Мустақиллитетининг 9-йилида нашр қилинганини ажид ҳолдир. Бу ҳақда қаранг: *Иброҳим Карим. Мадаминбек. – Т.: Шарқ, 2000.*)

Шермуҳаммадбекнинг сиёсий қиёфаси мухолифлар томонидан у қуролини ҳали ташламаган пайтдаёқ қуйидагича чизилган ёди: «*Кўршермат (Шермуҳаммадбек – К.Р.) – миллати сарт* (ўзбек – К.Р.) бўлиб, барча қўрбошиларининг энг ғайратли ва қатъиятлиси ҳисобланади. Жанѓда жуда жасур, қўл остидагиларга нисбатан талабчан ва русларга (рус босқинчиларига – К.Р.) шафқатсиз. У аҳоли ўртасида гоят капит обрў-эътибор ва шуҳратга сазовордир».
(Қаранг: Краткий очерк возникновения и развития басмачества в Фергане. По данным к 1-му марта 1922 г. – М.: Изд. Штаба РККА, 1922. – С. 32.)

Тарихчи олима Д. Зиёева «Туркистан миллий озодлик ҳаракати» номли китобида XX аср 20-йилларида матбуот саҳифаларида қўзғолончилар, хусусан, Шермуҳаммадбекнинг шиорлари ва мақсадлари ҳақида чоп этилган қизиқарли маълумотларни келтиради. Унинг кўрсатишича, Антонов «Красная Фергана» газетаси (1921 йил 17 май)да ўнадай ёзади: «Босмачилар қўмондони Кўршермат (Шермуҳаммадбек – К.Р.) совет ҳокимиятидан тўлиқ мустақиллик... ва, умуман, Россиядан ажralишни талаб қиляпти... Унинг бу талаби РКПнинг миллий дастурига мос келадиган яхши ният, деб ўйлаш мумкин. Унинг чақириқларида миллий ҳаракат асослари яқъол кўриниб турибди». И. Солыц худди шу газетада эълон қилган «Кўршермат ва автономия» сарлавҳали мақоласи (1921 йил 10 июл)да қуйидагича ёзади: «*Кўршермат (Шермуҳаммадбек – К.Р.) ишчи-дехқон ҳукуматига таъна қилиб, 15 кун ичиди Туркистан учун мухторият беришни талаб этмоқда*». Верин ҳам шу газета (1921 йил) да қуйидагиларни таъкидлайди: «*Кўршермат (Шермуҳаммадбек – К.Р.), Оллоёр, буржуазия, руҳонийлар вакиллари биздан миллий маданий мухторият, шариат, ислом, урф-одат ва анъаналар даҳлизлигини, ҳаётни бузишни тўхматини талаб қилдилар*».

Шермуҳаммадбек фаолиятига унинг ашаддий ғанимлари томонидан берилган бу баҳолар ва эътирофлар тўғри эканлигини алоҳида таъкидлаб ўтмоқ лозим.

Шермуҳаммадбек – Олий бош қўмондон

Мадаминбек қизил армияга қарши курашдан четлашгач, 1920 йилининг эрта баҳоридан бошлаб Шермуҳаммадбек Фарғона водийсидаги қуролли ҳаракатнинг Олий бош қўмондони қилиб сайланди. Шермуҳаммадбек бошчилигида Туркистон – турк мустақил ислом жумхурияти ёхуд Туркистон муваққат ҳукумати (1920 йил 3 май)нинг тузилиши водийдаги қўзғолончиларни қайта бирлаштириш ва совет режимига қарши ҳал қилувчи жанглар сари бошлиш учун муҳим ўрин тутади.

Шермуҳаммадбек бу пайтда Бухоро ва Хоразм республикалари ҳамда Самарқанд вилоятида ҳаракат қилаётган истиқлолчилар билан алоқаларни йўлга қўйди. Анвар Порошо (1881–1922) ва Жунаидхон (1857–1938) билан уч томонлама ҳамкорлик ўрнатилди. Шунингдек, Шермуҳаммадбекнинг Шарқий Бухоро қўрбошилари Иброҳимбек (1889–1932) ва Фузайл Махдум билан муносабатлари яхши бўлган. Афғонистон ва Туркия билан ҳам алоқалар жонланган.

Большевикларнинг маъдоҳларидан бири эътироф қилишича, улар учун «Мадаминбек қўрбошилар ўртасида энг кучлиси бўлган бўлса, Шермуҳаммадбек, шубҳасиз, энг хавфлиси эди». (Қаранг: Кувшинов В. Ферганский район. // Военная мысль. 1920. Кн. 1. С. 260.)

Шермуҳаммадбек Туркистон минтақасининг барча аҳолисига қилган мурожаатида қуролли кураш моҳиятини шундай ифодалаган эди: «Большевиклар алдайдилар ва ўлдирадилар. Барча давлатлар большевикларни тугатиш учун уларга қарши курашмоқдалар. Туркистон халқига ўзини ўзи бошқариш ҳуқуқи берилганида эди, биз курашмаган бўлардик. Туркистонга ўз ҳуқуқи берилмас экан, биз ҳуқуқ ва виждонимиз, орномусимиз учун сўнгги томчи қонимиз қолгунича большевиклар билан кураш олиб бораверамиз». (Қаранг: Фарғона ВДА, 435-фонд, 1-рўйхат, 44-иш, 45-варақ; Норжигитова Н.А. Туркистонда «босмачилик ҳаракати» тарихшунослиги (совет даври). Тарих фанлари номзоди илмий даражасини олиш учун тақдим этилган диссертация. – Т., 1995. – Б. 69.)

Хуллас, Фарғона водийсидаги истиқлолчилик ҳаракатига Шермуҳаммадбек раҳбарлик қилиши билан қизил армия-

га қарши кураш 1920 йил ўрталарида ўзининг янги босқичига қадам қўйди. Курашнинг бу босқичида у яна ҳам шафқатсиз ва муросасиз тус олди. Бу ҳолат қуйидати омиллар билан изоҳланади:

Биринчидан, 1920 йил баҳори ва кузидан бошлаб Фарғона водийси ва Самарқанд вилоятидаги истиқлолчилик ҳаракати билан бир қаторда эндилиқда аввал Ҳоразм республикасида, сўнгра Бухоро республикасида ҳам босқинччи қизил армияга қарши қуролли ҳаракат бошланди ва қисқа муддатда авж олиб кетди. Иккинчидан, истиқлолчилик ҳаракатининг янги босқичи ўзига хос хусусиятга эга бўлган мураккаб ва зиддиятли даврни ўз ичита олган эди. Ҳаракатнинг аввалги босқичларида большевиклар ҳукуматига қарши чиққан қўзғолончилар туб ерли аҳоли вакилларидан иборат бўлиб, улар асосан россияликлардан ташкил топган қизил армия қисмларига қарши кураш олиб бордилар, яъни бу маҳаллий халқ билан босқинчилар ўртасида ҳаёт-мамот кураши бўлган эди.

Большевиклар ҳукуматида хизмат қилаётган миллый раҳбар ходимларнинг маҳаллий аҳоли вакилларини қизил армия сафига чақириш ҳақидаги талаблари дастлаб Бутун Россия ва РСФСР ХҚСнинг Туркистон ишлари бўйича комиссияси (Турккомиссия) ва Тошкентдаги совет ҳукумати томонидан инобатта олинмади, сирасини айтганда, улар туб ерли аҳоли вакиллари қўлига қурол беришдан чўчиidlар. Натижада ҳаракатнинг дастлабки босқичлари моҳият нуқтаи назаридан олганда ҳам том маънода босқинчиларга қарши миллый истиқлол учун кураш бўлган эди.

Марказий ҳукумат раҳбарлари ва унинг Туркистондаги таъячлари фақат 1920 йилнинг ўрталаридағина бу ҳақиқатни тушуниб етдилар. Маҳаллий аҳоли вакилларини қизил армия сафларига қабул қилиб, уларни қўзғолончиларга қарши қўйиш билан бу кураш моҳиятини ўзгартиришга, Туркистон халқини Россиядаги каби фуқаролар уруши гирдобига тортишга ҳаракат қиласдилар. Шу мақсадда Туркистон фронти қўмондони М. Фрунзе 1920 йил 7 майда қизил армия сафларига маҳаллий миллат фуқароларидан 30 000 кишини олиш тўғрисида буйруқ чиқарди. (М.В. Фрунзе на фронтах гражданской войны. Сборник документов. – М.: Воениздат, 1941. С. 278; РГВА, 110-фонд, 5-рўйхат, 585-иш, 224–225-варақлар.)

Лекин бу билан масала улар ўйлаганидек ҳал бўлмади. Қизил армия сафида қуролли мухолифатга қарши жанг қилишни истамаган чақириқ ёшидаги минглаб эркаклар истиқолчилик ҳаракати (қўзғолончилар) қаторини тўлдирдилар. Айни шайтда совет ҳукумати ташвиқотларига ҳамда большевикларнинг баландпарвоз ваъдаларига ишонган юзлаб маҳаллий аҳоли вакиллари эса қизил армия сафига кириб, ўз ҳалқига қарши курашидаар.

Бундан ташқари, Хоразм ва Бухоро республикаларида вужудга келган янги ҳукуматлар миллий кучлар қўлида эди. Бироқ бу миллий кучлар совет Россияси манфаатларига бўйсунишга, ўз мамлакатлари ҳудудида қизил армия қўшинларини сақлаб туришга мажбур бўлдилар. Хоразм ва Бухорода истиқдол учун курашни изчил давом эттираётган мухолифат ҳарбий кучлари ҳам совет Россияси ҳарбий қисмларига қарши, ҳам янги миллий ҳукуматга қарши кураш олиб боришларига тўғри келарди. Оқибатда шу даврдан эътиборан қуролли ҳаракатнинг мазмуни сал ўзгачароқ рух касб эта бошлади, кураш яна ҳам шафқатсиз ва муросасиз тус олди.

Туркистон фронти қўмондони М. Фрунзе 1920 йил 15 майда Фаргона вилоятидаги 2-Туркистон ўқчи дивизияси командири Н.А. Верёвкин-Рохальский номига буйрук юбориб, қуролли ҳаракатта қарши кураш тактикасини ўзгартириш ва уларни ёппасига қириб ташлаш вазифасини қўйди. Россия давлат ҳарбий архиви ҳужжатлари (РГВА, 110-фонд, 3-рўйхат, 290-иш, 128-варақ; 235-иш, 40-45-варақлар ва б.)да кўрсатилишича, М. Фрунзе «қўрбошилар билан музокаралар олиб боришни тўхтатишни, босмачи шайкалар таркибига кирган ҳар қандай шахслар ҳалқ душманни сифатида отиб ташланиши»ни буюрди. 1920 йил 28 майда М. Фрунзенинг буйруги билан қўзғолончиларни қиришга мўлжалланган маҳсус жанговар учар отрядлар тузилди. Шу билан бир қаторда яна маҳсус жазо отрядлари ташкил қилиниб, улар ҳам Фаргона водийсига ташланган эди.

Шундай қилиб, Туркистон комиссияси ва Туркистон фронти раҳбарлари қуролли мухолифатга қарши кураш стратегияси ва тактикасини тубдан ўзгартириб, кечагина ўзлари эълон қилган сиёсий тадбирлар, кураш қатнашчиларини тинчлик йўли билан ўз томонларига оғдириши каби нозик дипломатик ўйинларни бир чекқага итиғиштириб, бу ҳаракатни «қурол кучи ҳамда зўравонлик

билин» бутунлай тор-мор қилиш түгрисида қатый қарорга келдилар. (Қаранг: Фарғона ВДА, 435-фонд, 1-рўйхат, 206-иш, 92-вараЕ.)

Туркистон фронти кўмандонлигининг 1920 йил май ойи ўрталарида белгилаган бу тадбирлари қуролли ҳаракат қатнашчиларининг шаштини синдира олмади. Совет режимига қарши курац яна ҳам қатый тус олди. 1920 йилининг май ойидан бошлаб ўзининг янги босқичига қадам қўйган Фарғона водийсидаги қуролли ҳаракат Шермуҳаммадбек номи билан бевосита боғлиқдир.

Туркистон-турк мустақил ислом жумҳурияти ҳукуматининг раиси

Олиариқ туманидаги Гойибота (Фарғона) қишлоғида 1920 йил 3 майда Фарғона водийси қўрбошиларининг навбаатдаги қурултойи бўлди. Қурултойда Туркистон-турк мустақил ислом жумҳурияти ёхуд Туркистон муваққат ҳукумати тузилди. Ушбу қурултойда Шермуҳаммадбек ҳукумат раиси ва Фарғона водийсидаги истиқлолчиларнинг Олий бош қўмандони қилиб сайланди. Шермуҳаммадбекнинг укаси Нурмуҳаммадбек (тахминан 1899–1984) ва Олой воҳасидаги қирғизларнинг етакчisi Мухиддинбек (тахминан 1877–1922) унинг ўринбосарлари қилиб тайинланди.

Туркистон муваққат ҳукумати Фарғона водийсидаги озодлик курашида муайян даражада хизмат қила олди. Шермуҳаммадбек ва Нурмуҳаммадбекнинг хотиралари ҳамда Закий Валидий асарларига таяниб Боймирза Ҳаййтнинг ёзишича, ҳукумат таркибига қўйидаги 6 киши киритилган эди: «Шермуҳаммадбек – ҳукумат раиси ва Олий бош қўмандон; Муллажон Кори – ҳавфсизлик (ички ишлар) вазiri; Акбаржон Эшон – шайхулислом; Абдусалом Кори – ҳукуматнинг бош котиби; Назиржон – молия вазiri; Мулла Хожи Ниёз – маҳсус ишлар вазiri». (Бу ҳақда қаранг: Baymirza Naüit. Turkistan im XX Jahrhundert. – Darmstadt, 1956. S. 202.)

Шермуҳаммадбек тайинлаган ўн иккилар кенгаши фаолият кўрсатиб, у ҳукумат ишини мувофиқлаштириб турган. Кенгаш аъзолари ҳукуматни бошқариш ва урушни олиб бориш масалалари юзасидан ўз таклиф ва мулоҳазаларини ишлаб чиқиштан.

Бундан ташқари, 14 кишидан иборат ҳарбий идора маҳкамаси тузилди. У Олий бош үймондон Шермуҳаммадбек (раис), турк зобитлари Исмоил Ҳаі бей (раиснинг ҳарбий сиёсат бўйича ўринбосари) ва Ёқуббек (раиснинг жанг ҳаракатларини режалаштириш ва ўтказиш бўйича ўринбосари), шунингдек, Алиёрбек, Юсуф Полвон, Бозорбой, Мулла Пўлат, Асқар ва Нурмуҳаммадбек каби кўрбошилардан иборат бўлган. Бу маҳкама ўз манзуратларида ҳаракатнинг бўлғуси ҳарбий амалиётлари билан боғлиқ бўлган барча масалаларни кўриб чиқиб, тегишли қарорлар қабул қилинган.

Мулла Умар, Жамол, Абдулазиз ва Абдусалом қозилардан иборат қозихона – мустақил суд идораси маҳкамаси ҳам фаолият кўрсатган. Идора мажлиси, яъни маъмурий кенгаши таркиби Абдулбоки бойвачча (раис), муфтий Мусо Қози, Мулла Гойиб Назар, Мулла Йўлдош Охун ва Абдулқаюмдан иборат бўлган.

Шунингдек, мустақил суд идорасига қўшимча равишда 88 кишилик парламент – Шўро ҳам ташкил қилинган. Шўро аъзолари ўқимишли ва нуфузли кишилар ҳисобланган. Боймирза Ҳайит Шўро таркибини қўйидагича кўрсатиб ўтади:

Ёдгор, Нуридин, Муҳаммад Амин Полвон, Музаффар Мингбони, Рустам Эшон, Ашурбек, Маматисо Полвон, Курбонбой, Ҳусомиддин Мингбoshi, Тоҷибой Амин, Муҳаммад Шариф Полвон, Омонбой, Каримжонбой, Мулла Ҳайдар, Абдулқодир Мингбoshi, Деҳқон Полвон, Ҳожи Мирбобо, Қамчи Полвон, Муҳаммад Сиддик, Тешабой Мингбoshi, Қамбариддин Бобо, Мулла Мелибой, Сайд Раҳмонхон, Мулла Авалиёҳон, Миён Қудратилла, Асиридин Махсум, Абдураҳмон Махсум, Ҳожи Ниёз, Исроил Ҳўжа, Лайли Қори, Тўхтасинбой, Норбўтахон Тўра, Комилжон Қори, Абдуллажон Қори, Муҳаммад Амин, Юнусжон Қори, Йўлбарсхон Тўра, Сайд Маҳмудхон Тўра, Абдулла Амин, Мулла Ғозий, Мулла Акбар Эшон, Маҳмуд Зиё, Назиржон Қори, Мулла Турсунбой, Муҳаммаджон, Абдураҳим Амин, Фидойи Ҳўжа, Аминбой, Маҳмуд Расулбой, Қануч Полвон, Мулла Раҳматилла, Ҳўжа Берди, Авалиёҳон, Абдулла Қори, Мирқосим ота, Юсуф Қори, Низомиддин Амин, Мулла Ҳамидjon, Тошпўлат, Нурмуҳаммад Ғозий, Тўхтасинхон, Мулла Ортиқ, Тақсимбой Мингбoshi, Жабборқул, Султониддин, Қўшоқ бойвачча, Азим Ҳўжа, Нишонбой Амин, Алимқуя Шермуҳаммад, Шурдун бойвачча, Фидойи Муҳаммад, Маҳди Маҳдум Дукчи

Эшон ўғли, Саид Мухтор, Мулла Абдулфагтоҳ, Тошмуҳаммад, Бойбўта, Абдулла Хўжа, Мулла Ёрҳак, Мир Искандар, Абдулҳафиз Ҳожи, Мулла Тошмуҳаммад, Мадат Муродбоши, Мулла Қорабой, Мулла Эргаш, Мулла Муҳаммаджон, Эгамберди. (Каранг: *Vaymirza Hayit. «Basmaçilar»*. Turkistan Milli Mucadele Tarihi (1917-1934). – Ankara, 1997. S. 184-185.)

Шермуҳаммадбек томонидан большевиклар чангаидан озод қилинган жойларда элликбошилик, юзбошилик, мингбошилик лавозимлари қайтадан тикланди. Кўқон хонлигига олий лавозим ҳисобланган беклик вазифасини кўрбошилар бажаришар эди. Аҳолининг кўлидан солиқларни элликбошилар йигиб, мингбошилар орқали кўрбошиларга етказишган. Кўрбошилар эса бу маблағларни молия вазири орқали ҳукумат ҳазинасига топширганлар. Ўн иккилар кенташи солиқ тушумларидан иборат бу даромадни харажатлар бўйича тақсимлаган. Кўпинча бадавлат кишилар ҳисобланган йирик мулкдорлар: бойлар, савдогарлар ва уламоларга қўшимча солиқлар ҳам солинган. Ушбу тўловлар совет режими халқдан олаётган солиқлар ва тушумлардан бир неча марта кам бўлган. Шермуҳаммадбек ҳукумати томонидан зарурий эҳтиёжлар ҳамда қурол-яроғ сотиб олиш учун керакли бўлган миқдордаги маблағгина аҳолидан тўпланган, холос. Кўрбошилар ва йигитларнинг озиқ-овқат таъминоти эса улар жойлашган қишлоқлар аҳли зиммасида эди.

Шермуҳаммадбек қўпининидаги йигитларнинг саломатлиги-га марғилоилик Мирзахон ва олтиариқлик Эргаш табиб бошлигидаги халқ табиблари жавобгар бўлганлар. Шунингдек, икки юздан ортиқ йигит отларни парвариш қилиш билан маҳсус шугулланиб турган.

Шундай қилиб, Шермуҳаммадбек раҳбарлиги остида Фарғона водийсидаги бутун кўрбошилар яхлит куч бўлиб уюшди. Мадаминбек билан бирга ёки ундан оддинма-кетин совет ҳокимиютига таслим бўлган кўрбошиларнинг аксарияти ва уларнинг йигитлари ҳам Шермуҳаммадбек қўшинлари сафига келиб қўшилдилар.

1920 йил августининг охири ва сентябрнинг бошида Туркистон фронти кўмондони М. Фрунзенинг буйрутига кўра, Фарғонадаги қўшинларнинг катта қисми Бухоро амирлигиги тутатиш учун юборилди. Ушбу имкониятдан фойдаланган кўзғолончилар ҳарбий ташаббусни ўз қўлларига олиб, ку-

рашни янада кучайтирилар. Факат 1920 йил 10–27 сентябрда улар Водил, Гурунчмозор, Чувол, Урганжи қишлоқларини қўлга киритиб, Ўш ва Кўргонтепа темирийўл бекатларида турган қизил аскар гарнizonларига қақшатқич зарба бердилар. Ўш шаҳри, вақтинчалик бўлса-да, яна миллий кучлар қўлига ўтди. Бухоро амирилиги қурол кучи билан тугатилган кун – 1920 йил 2 сентябрда Туркистон республикаси ҳукуматининг Туркфонт қўмондони номига йўллаган мактубида «Босмачилик Фарғона вилояти ҳудудидан чиқиб, ҳатто Тошкент уездининг 8 та волостини ўзига қамраб олди», деб хавотир олиб ёзилган эди. (Қаранг: Ўзбекистон МДА, 25-фонд, 1-рўйхат, 300-иш, 33-варақ.)

Шермуҳаммадбек бошчилигидаги истиқлол жанглари

Фарғона водийсидаги истиқлолчилик ҳаракати 1920 йил кузи ва 1921 йил бошларида иккинчи бор ўзининг энг юқори чўққисига чиқиши водийдаги қизил армия группаси қўмондони Д. Коноваловнинг РСФСР қуролли кучлари Олий бош қўмондони С. Каменев номига ёзган маълумотномасида қуидагича эътироф этилган эди: «Фарғонада босмачилик 1920 йил сентябрь ойидаги ўзининг энг юқори чўққисига чиқди, яширин ҳолда ишләётган мусулмон ташкилотлари ўз фаолиятларини бутун совет Фарғонасида авж олдирдилар ва Туркистонда совет ҳокимиятига қарши қўзғолон кўтаришига тайёрландилар». (Қаранг: Ўзбекистон МДА, 17-фонд, 3-рўйхат, 36-иш, 107-варақ.)

Куролли ҳаракатнинг янгидан кўтарилишида большевистик раҳбариятнинг озиқ-овқат сиёсати ҳам кучли қўзғатувчи омил бўлиб хизмат қиласи. 1920 йил ёзида озиқ-овқат развёрсткаси бутун Фарғона вилояти ҳудудида жорий қилинди, вилоятдаги барча қишлоқлар аҳолиси, демак, туб аҳоли ҳам унга тортилди.

Шунинг учун ҳам, Туркистон АССР МИК раиси Иномжон Хидиралиевнинг таъкидлашича, «1920 йил сентябрда, баъзи маълумотларга қараганда, босмачиларнинг сони 70 000 кишига етди ва бу ҳолат кучли саросималик тугдирган». (Қаранг: Ўзбекистон МДА, 17-фонд, 1-рўйхат, 336-иш, 237-варақ; 25-фонд, 1-рўйхат, 300-иш, 33-варақ.)

Андижон вилояти давлат архиви ҳужжатлари (Андижон ВДА, 90-фонд, 1-рўйхат, 59-иш, 5-варак; 127-иш, 156-варак)да келтирилишпича, Фарғона армия группаси инқилобий ҳарбий кенгашни (РВС) томонидан 1920 йил 13 октябрда чиқарилган 55-буйруқда водийдаги қўрбошиларни террор йўли билан йўқотиш тадбирлари ишлаб чиқилди. Паскуцкий, Коновалов ва Бирюзов имзолаган буйруқда Фарғона водийсидаги 22 та қўрбошининг боши учун катта миқдорда тўлов белгиланди. Шермуҳаммадбек (15 000 рубль), Холхўжа Эшон (10 000 р.), Парпи (7 000 р.), Нурмат, Алиёр (бек), Мухиддинбек, Йўлчи, Раҳмонқул, Василий Донец (ҳар бири учун 5 000 р.), Рўзимат, Мама Рўзи, Исройл, Аҳмад Полвон, Эшмат Бойвачча, Омон Оқсоқол, Ойбола (ҳар бири учун 3 000 р.), Деҳқон Бойвачча, Ёрбек (ҳар бири учун 1 500 р.), Омон Полвон, Мирза Умар, Умарқул, Исломқул (ҳар бири учун 1 000 р.) учун тўлов ажратилиб, бу маблағ истисно тариқасида кумуш рубль билан тўланиши таъкидланди. Айнан ушбу ҳолат ҳам совет режими қўрбошиларга қарши шафқатсиз қатагон ва террор сиёсати йўлини туттганлигини яққол қўрсатади.

Шу нарсани таъкидлаб ўтиш жоизки, Василий Донец рус крестьянлар армиясининг собиқ командири бўлиб, Монгров бошчилитидаги крестьянлар армиясидан фарқли равишда фақат унинг гурухи охиригача қўзғолончилар сафида туриб, қизил армияга қарши марданавор курашди.

1921 йил баҳорда Шермуҳаммадбек бошчиллик қилган Фарғона водийсидаги қуролли ҳаракат янги куч билан авж олиб кетди. Совет қўшинлари Фарғона армия группаси штабининг «мутлақо маҳфий» маълумотларида келтирилишича, 1921 йил июнь-сентябрь ойларида Фарғона водийсида 200 дан ортиқ қўрбошилар дасталари ҳаракат қилган.

Фарғона муаммоси

III уркистондаги қуролли мухолифат фақат жанг ҳаракатлари олиб бориш билан чекланмасдан, минтақадаги совет режими раҳбарларига дипломатик воситалар билан ҳам ўз талабларини баён қилишган. Совет тарихчиларининг дайволоварига зид равишда шунки айтиш лозимки, истиқолочилар ҳамма пайт ҳам муросасиз қуролли кураш йўлини танлашган эмас. Улар музокаралар йўли билан

ҳам янги ҳокимиятта таъсир кўрсатишга, маълум маннода либерал сиёсат (келишувчанлик сиёсати) олиб боришга интилганлар. Афсуски, большевистик режим раҳбарлари уларниң бу талабларига қулоқ солишмаган.

1921 йил баҳорда совет ҳокимияти вакиллари билан бўлган музокараларда Шермуҳаммадбекнинг энг нуфузли қўрбошиларидан бири Алиёрбек қуролли муҳолифат томонидан қўйидаги шартларни ўртага қўйди: «1. Шариатга риоя қилиши; 2. Мустақил қозиллар сайлаш; 3. Озик-овқат тақсимотини бекор қилиши». (Қаранг: Ўзбекистон МДА, 17-фонд, 1-рўйхат, 716-иш, 142-варак.) Табиийки, совет қўмандонлиги бу таклифларни рад этди. Кейинчалик қизиллар томонидан қўлга олинган Алиёрбек қўрбоши Ревтрибунал хукми билан 1921 йил ноябрда отиб ўлдирилди.

Ниҳоят, Фарғонадаги истиқлолчилик ҳаракати раҳбарлари 1921 йил август ойида бўлган Туркистон республикаси Советларининг X съездига диний, хўжалик ва сиёсий масалаларга оид қатор шартлар билан яна бир бор мурожаат қилдиар. Улар шариатта йўл бериш, масжид, мадраса ва мактабларни очиб қўйиш, қозиллар маҳкамасини тиклаш, вакф ерларини қайтариш, савдо-сотиқ ва бозор муносабатларига йўли очиц, деҳқончилик хўжалити ва ҳунармандчилик корхоналарига руҳсат бериш ҳамда қўрбошилар гуруҳларини қизил армия сафига қабул қилиш каби шартларни қўйган эдилар. Музокараларда тинч аҳоли вакиллари ҳам иштирок этди. Шундай экан, қўзғолончилар қўйган бу талаблар айни пайтда Фарғона ҳалқининг ҳам талаби эканлигига ҳеч қандай шак-шубҳа йўқ эди.

Хулас, Туркистон республикаси Советларининг X съезди (1921 йил 21–25 август)да ва ундан сал олдин бўлган Туркистон Компартияси (ТКП) VI съезди (1921 йил 11–20 август)да Фарғона водийсидаги қуролли ҳаракат масаласи маҳсус мухокама қилинди. ТКП VI съездининг 19 августда бўлган ёпиқ мажлисида Туркистон Компартияси МК масъул котиби ва Туркистон МИК раиси Назир Тўракулов (1892–1937) рус ва туркий (ўзбек) тилларида «Фарғона масаласи ҳақида» номли маҳсус маъзуза қилди. (ТКП VI съезди материаллари ҳақида қаранг: Ўзбекистон РПДА, 60-фонд, 1-рўйхат, 1167-иш, 1–183-вараклар; 1168-иш, 1–183-вараклар; 1171-иш, 1–71-вараклар.)

Н. Тўрақуловнинг фикрича, Фарғона водийси ўзининг иқлим ва жуғрофий шароитлари бўйича муайян хусусиятларга эга бўлиб, бу ҳолат Фарғонада ўзига хос иқтисодий муносабатлар пайдо бўлишига, Россия Туркистонни босиб олгач эса бу ерда капиталистик, яъни бозор муносабатларининг юзага келишига сабаб бўлди. Унинг айтишича, бу муносабатлар кейинчалик қуролли ҳаракат вужудга келишига ўзгача таъсир қилган.

Н. Тўрақулов ўз фикрларини давом эттириб, «босмачилик – бизнинг органлар яқингача юритган сиёсий калтабинлик, узоқни кўра билмаслик, ношудлик ва мутаассиб сиёсат натижаси», – деб тан олади. Унинг айтишича, ҳарбий органларнинг расмий статистик маълумотларига кўра, бу урушда ҳозиргacha 200 000 киши ўлдирилган. Уларнинг кўпчилигини тинч аҳоли вакиллари ташкил қилади. Нотиқнинг фикрича, яқин пайтларгача «босмачилик»ка қарпи кураш раҳбарлари бу ҳаракатни фақат шафқатсиз ва тинимсиз кураш олиб бориш йўли билан тутатишни мўлжаллаган эдилар. Бироқ курашнинг бундай усуллари ҳаракатнинг тугашига эмас, балки унинг тобора кептайиб, ривожланиб ва кучайиб кетишига олиб келди.

Н. Тўрақулов маърузаси шиддатли баҳс ва мунозараларга сабаб бўлди. Хусусан, фарғоналик делегат Алиев кескин фикрларни баён қилди. Унинг айтишича, «Хозирги пайтда Фарғонада битта эмас, балки тўртта ҳокимият: ҳарбий, жазо (қатагон), совет ва босмачилик ҳокимиятлари мавжуд бўлиб, уларнинг ҳар бири Фарғонани бошқаришига интилмоқда».

Бошқа бир нотиқ Шоҳимуродовнинг фикрича, Фарғонада бу ҳокимиятларга кўшимча равишда бешинчи – озиқ-овқат ҳокимияти ҳам мавжуд бўлган. Бу ҳокимиятлар халқни талапи билан шуғулланганлар. (Қаранг: Ўзбекистон РПДА, 60-фонд, 1-рўйхат, 1168-иши, 127, 129-варақлар.)

ТКП VI съездида сўзга чиққан Фарғона водийсидаги қизил аскарларнинг командирларидан бири Коновалов маърузадаги Н. Тўрақулов фикрларини кўп жиҳатдан қувватлайди. Бироқ ҳатто у ҳам «босмачилик» 1918 йил февралда бошланган бўлишига қарамай 1918 йил июлда ташкилий жиҳатдан шаклланиб, фаол ҳаракатлар қилишига ўтди, деб эътироф этишга мажбур бўлган эди.

TKP VI съездида 12 август куни сўз олган фарғоналик делегат Ниёзовнинг куюниб гапирипича, «Фарғона РВС маълумотла-

рига кўра, 250 000 киши ўлдирилган, босмачиларнинг сони эса 10 000 киши атрофида эди. Мен Фарғонадаги мажлиснинг таъминотчиларига таяниб айтмоқчиманки, бу ерда қизил аскарлар томонидан 1 млн. киши ўлдирилди, қишлоғлар бутунлай вайрон қилинди, ҳеч қаерда эркаклар қолмади, фокат болалар ва аёллар мавжуд...». (Ўзбекистон РПДА, 60-фонд, 1-рўйхат, 1167-иш, 29-«а» варакнинг орқаси.)

Н. Тўрақулов маъруzasи юзасидан бўлган музокараларда сўзга чиққан Исройловнинг айтишича, Фарғона водийисидаги «босмачилик» фронтида 250 000 киши ҳалок бўлган. (Ўзбекистон РПДА, 60-фонд, 1-рўйхат, 1168-иш, 137-варак.)

Фарғона масаласи (муаммоси) юзасидан Марказ вакиллари: ВЧКнинг Туркистон бўйича Фавқулодда вакили, РКП(б) МК Туркбюро аъзоси Я.Х. Петерс, Турккомиссия ва Туркбюро раиси М.П. Томский, Туркбюро раисининг муовини Г.И. Сафаров ҳам сўзга чиқди. Томскийнинг фикрича, «босмачилар» партизан уруши тактикасини олиб боришишоқда. Марказ вакиллари уларга қарши шафқатсиз кураш олиб бориш ҳақида тегишли чора-тадбирларни белгилашади. Хусусан, Петерснинг чекистлари кўплаб тинч аҳоли вакилларини «босмачиларнинг таъминотчилари» сифатида отиб ташлашган. Шунингдек, кўрбошиларга қарши аёвсиз кураш олиб бориш зарурлиги, «босмачилар»нинг талончилиги ҳақида тинч аҳоли ўргасида ташвиқот ва тарғибот ишиларини амалга оптириш учун катта миқдорда маблағ ажратиш кераклиги айтилди.

Съезднинг ўша кунги мажлисида Фарғона армия группаси РВС аъзоси Березин ҳам иштирок қилиб, водийда кўрбошилар билан музокаралар ўтказилаёттанилиги хусусида ахборот берди. Березиннинг сўзига қараганда, Шермуҳаммадбек бу шайтда кўрбошилар қурутойини ўтказиб, нотикнинг фикрича, «мухторият, шубҳали муҳторият ҳақида маслаҳатланмоқда». (Қаранг: Ўзбекистон РПДА, 60-фонд, 1-рўйхат, 1168-иш, 147-варак.)

Фарғона водийисидаги истиқлолчилик ҳаракатининг Олий бош қўмондони Шермуҳаммадбек съезд ўтгаётган кунларда совет қўмондонлигига суҳи тузиш учун қуйидаги шартаар билан мурожаат қилган эди:

1. Туркистонда миллий ва маданий муҳторият.
2. Дин эркинлиги.
3. Ҳалқ қозиларининг ҳалқ томонидан сайланиши.

4. Вакф ерлари ва даромадларини ерли халқ одатлари бўйича юритиш.

5. Ер-сувни бурунги эгаларига қайтариш.

6. Молларни текшириш ва ҳукумат ихтиёрига мусодара этишини тўхтатиш.

7. Шаҳарлараро эркин товар юритиш.

8. Эркин савдо.

9. Поездларда эркин юриш.

10. Солиқларни битириш.

11. Кизил қўшинлар талончилигини тўхтатиш.

(Қаранг: Босмачилар билан сулҳ музокаралари // «Фарғона», 1921 йил 15 сентябрь.)

Бошқа архив ҳужжатларининг гувоҳлик беришича, музокаралар натижасида совет ҳокимияти томонига ўтган бир гурӯҳ қўрбошилар Фарғона армия группаси қўшинлари қўмондони Г.В. Зиновьевнинг талаби билан хоинларча қўлга олинади ва отиб ташланади. (Ўзбекистон МДА, 17-фонд, 1-рўйхат, 90-иш, 335-варак.) Бундай шароитда Шермуҳаммадбек қизил армия қўмондонлиги билан олиб бораётган музокараларни 1921 йил сентябрда тўхтатишга мажбур бўлади.

Бу воқеалар нафақат қўрбошилар ва уларнинг йигитлари, балки бутун тинч аҳолининг совет ҳокимиятидан яна бир бор ҳафсаласи пир бўлишига олиб келди ҳамда ўз навбатида қуролли ҳаракатнинг янги куч-қудрат билан авжга чиқишига сабаб бўлди. Совет қўмондонлиги бўлса бу ҳаракатни бир пайтнинг ўзида «ўт ва қилич» билан тутатишга ҳаракат қилди. Ана шу мақсадда «босмачилик билан заҳарланган» катта-кичик қишлоқлар шафқатсизларча вайронага айлантирилди, оқибатда уларнинг тирик қолган аҳолиси совет ҳокимиятидан тобора узоқлашиб борди. Бироқ кенг миёсдаги қатағон ва ҳарбий ҳаракатларнинг фаоллашганлиги ҳам истиқлолчиларни Ватан озодлиги учун курашдан қайтара олмади.

Большевикча режим 1921 йил 13 сентябрда Фарғона водийсида фавқулодда ҳолат эълон қилди. «Душман таслим бўлмаса, уни янчиб ташлаймиз» шиорини амалга ошириш бошланди. Туркбюро томонидан 1921 йил ноябрда Фарғона вилоятида ҳарбий диктатура ўрнатилди ва Туркистон фронти Инқилобий ҳарбий кенгаши (РВС) аъзоси П.И. Барабанов Фарғона вилоятининг

харбий диктатори қилиб тайинланди. Фақат 1922 йил февралда харбий диктатура тутатылды ва Фарғона фронти РВС тузилди.

Совет қўшинлари 1921 йил сентябрда Марғилонда Шермуҳаммадбек ва Андижонда Истроил қўрбоши гурӯхига қарши бир пайтнинг ўзида ҳужумга ўтдилар. 1 ноябрда Мухиддинбекка қарши жанг ҳаракатлари бошланди. Уч ой давомида қизил аскарлар Шермуҳаммадбекнинг асосий қароргоҳи – Гарбувани ишғол қила олмадилар. Жангларда устунлик тоҳуруннан гоҳ у томонда, гоҳ бу томонда бўлар эди. Ушбу ўринда совет қўмондонлиги жуда нозик ва айёр тактикани ишлаб чиқди. Водийдаги ўзбек қўрбошиларига тоғларда ҳаракат қилаётган қирғиз қўрбошилари қарама-қарши қўйилди. Шермуҳаммадбек ва Мухиддинбек ўртасида ўзаро келишмовчилик ва ихтилофлар туғдирилди ҳамда бу зиддиятлар янада авж олдирилди.

Совет тарихчилари қуролли ҳаракат ҳақидаги тадқиқотларида ҳаракат мөҳиятини соҳталаштириб, уни тор миллатчилар тўдаси, боз устига бир-бири билан ўзаро тўқнашувлардан ортмайдиган турли этник гурӯхлар шаклида кўрсатишган эди. Афсуски, Россия Федерациясининг баъзи олимлари бугунги кунда ҳам бу гайриилмий даъволаридан воз кечиштани йўқ. Россиялик этнограф Е.А. Юрина эълон қилган бир мақоласида қуролли ҳаракатнинг миллий таркиби хусусида тўхталиб, истиқлолчилар сафидаги туб ҳалқлар доимий равишда ўзаро жанжаллашгани хусусида ҳақиқатта зид фикрларни келтиради. (Қаранг: Юрина Е.А. Этническая ситуация в басмаческом движении // Расы и народы. Вып. 27. – М., 2001. С. 168–181.)

Қўрбошилар қурутойлари

Kурултой туркий сўз бўлиб, у кенгаш, мажлис, съезд матьноларини анлатади ҳамда туркий ҳалқлар ва мўгул ҳалқида қадимдан мавжуд бўлган турли ҳарбий кенгашлар ва мажлисларнинг умумий номидир. Туркистон тарихида қурутойлар қўйидагича ўтказилган:

1) Туркий ҳалқларда қурутой ва ҳарбий кенгаш ўтказиш анъанаси қадимдан мавжуд бўлган. У Буюк Турк хоқонлиги (Кўктурк хоқонлиги) ва Эфталийлар (Оқ хуннлар) давлатларида пайдо бўлиб, камида бир ярим минг йиллик тарихта эга. Ҳатто айрим манбаларда ёзилишича, тахминан 3000 йил муқаддам –

Буюк Хунн давлати (Хунн хоқонлиги) даврида ҳам қурутойлар ўтказилган. Салжуқийлар ва усмонилилар сулоласи вакиллари қурутойларда ўз султонларини сайлашган. Мўғуллар давлатида (Чингизхон ва унинг ворислари даврида) қурутой ҳокимият бошқарувининг олий шаклига айланган эди. Амир Темур ва темурийлар даврига келиб, қурутойлар ўзининг мукаммал тузилишига эга бўлган. Қурутойларда мамлакат ҳаётидаги жиддий сиёсий ва иқтисодий масалалар ҳал қилинган, у муҳим ҳарбий юришлар арафасида ўтказиладиган ўзига хос катта маросимга айланган. «Темур тузуклари»да қурутой (ҳарбий кенгаш) ўтказиш тартиблари ҳакида сўз боради. Бобурийлар давлатида ҳам бу тартибга амал қилинган. Қурутойларда мамлакат ҳукмдори ва қўшин кўмандони сайланган.

Қурутой ўтказиш Низомига кўра, унинг ҳар бир иштирокчиси ўз фикрини эркин равищда билдириши мумкин бўлган. Қурутой қатнашчиси бўлган амир (ҳарбий саркарда) ва бекларга муайян кучлар томонидан тавсия этилаётган номзодлар ҳақида ошкора ва ҳеч қандай монеликсиз фикр-мулоҳаза айтиш хукуки берилган. Сайловлар ошкора ва тенг асосларда ўтган. Сўнгра сайловда ғолиб чиққан номзодни пайғамбар Муҳаммад (с.а.в.) авлодларидан бўлган сайдиллар қоқ ерга тўшалган оқ кигиз ёнига етаклаб келишпарди. Мамлакат ҳукмдори ёхуд ҳарбий қўшиннинг Олий бош қўмандони қилиб сайланган шахс шариат қонунларига биноан иш қўриши лозимлиги тўғрисида муқаддас Куръони каримни қўлида тутиб, қасамёд этиши керак эди. Сўнгра нуфузли урут бошлиқлари (бийлар) ва беклар уни оқ кигизга солиб, кўтариш маросимини бажо келтиришган. Бу анъана Ўрта Осиёда хонликлар даврида ҳам (XX аср бошларигача) сақланиб қолган.

2) 1917 йилда Бутун Туркистон мусулмонлари томонидан ўтказилган 4 та анжуман. Уларинг охиргисида Туркистон Мухторияти ташкил тонган (1917 йил 26–28 ноябрь).

3) Бухоро Ҳалқ Совет Республикаси ва Хоразм Ҳалқ Совет Республикасида олий давлат ҳокимияти органи. 1920–1924 йилларда Бутун Бухоро ва Бутун Хоразм ҳалқ вакилларининг бешта қурутойи бўлиб ўтган.

4) Туркистонда совет режимига қарши қуролли ҳаракат раҳбарлари томонидан ташкил қилинган идора. Туркистон ватанпариварлари қурутойларда ўз ҳарбий йўлбошчиларини

сайлашган, қизил армияга қарши қурашдан сабоқ ва хулосалар чиқариб, бўлгуси жанг режаларини муҳокама қилишган. Курултойларда Олий бош кўмондон (Катта Эргаш, Мадаминбек, Шермуҳаммадбек, Иброҳимбек, Анвар Поро, Салим Поро, Мулла Абдулқаҳор, Жунаидхон ва б.) билан биргаликда ҳарбий дасталарнинг кўмондонлари – кўрбошилар ҳам сайланган. Шунинг учун истиқолчилик ҳаракатини ташкилий жиҳатдан уюштиришда кўрбошилар курултойларининг аҳамияти жуда катта бўйган. Афсуски, истиқолчилик ҳаракати тарихида кўрбошилар курултойларининг тутган ўрни совет даврида мутлақ бузиб кўрсатилди ва сохталаштирилди.

5) XX асрда Ўзбекистон ССРда қишлоқ хўжалиги ходимлари – пахтакорлар, чорвадорлар ва шу кабиларнинг эски йил якуни ва янги йил режалари муносабати билан ўтказиладиган республика, вилоят ва туман йиғинлари номи.

Ушбу ўринда сўз кўрбошилар курултойлари ва унда Шермуҳаммадбекнинг тутган ўрни хусусида кетади.

Туркистон озодлиги ва мустақиллиги учун шимолдан келган ёв – россиялик қизил аскарларга қарши фидокорона қурашган истиқолчилар совет сиёсатчилари ва тарихчилари томонидан «босмачи» ва ҳалқ душмани сифатида кўрсатилиб, қарийб 75 йил давомида жамоатчилик фикри шу йўналишда шакллантирилган эди. Тоталитар ва авторитар режим ҳукм сурган йилларда кўрбошилар фаолияти, хусусан, Шермуҳаммадбек жасорати, улар ташкила қилган хукуматлар, кўрбошилар курултойлари идораси (институти) илмий жиҳатдан холис ўрганилмади. Ҳолбуки кўрбошилар курултойлари Туркистондаги истиқолчилик ҳаракати тарихида муҳим роль ўйнайди.

Фарғона водийсидаги истиқолчилар 1921 йил январь-сентябрь ойларидаги жангларда 2 500 йигитларидан ажralишиди. Ана шундай шароитда Бош кўмондон Шермуҳаммадбек Марғилон атрофида кўрбошиларнинг умумий курултойини чақирди. Курултойда уламолар ва айрим тараққийпарварлар ҳам қатнашдилар. Шермуҳаммадбек водийда юзага келган янги сиёсий ва иқтисодий вазиятда қурашнинг ўзига хос тактикасини танлаш лозимлигини, энди кичик-кичик гурухларга бўлиниб, қизил армия қисмларига зарба бериш кераклигини таъкидлади. (Қаранг: Ўзбекистон РПДА, 60-фонд, 1-рўйхат, 1332-иш, 84-вараг.)

1921 йил декабрь ойининг бошларида Шермуҳаммадбек Кичик Олой воҳаси орқали Шарқий Бухорога ўтди. Бу ерда у Бухоро Республикасидаги қўрбошилар билан ўзаро ҳамкорлик қилил тўғрисида музокаралар олиб боришга ҳаракат қилди. Шермуҳаммадбек билан Шарқий Бухородаги қуролли ҳаракатнинг етакчиси Иброҳимбек ўртасида (кейинчалик Анвар Пошо билан ҳам) мулоқотлар бўлганилигини айрим тарихий адабиётлар тасдиқлайди. (Қарант: *Ali Bademci*. 1917–1934. *Turkistan milli İstiklal Hareketi ve Enver Paşa...* S. 163.) Лекин Қоратегин беклигида Шермуҳаммадбек билан Фузайл Махдум ўртасида баъзи низолар ҳам юзага келди. Натижада Шермуҳаммадбек 1922 йил январь ойининг бошларида, жуда ноқулай об-ҳаво шароитига қарамасдан, Қоратегин беклигидан довон орқали Фарғона водийсига қайтиб келди.

1922 йилнинг баҳори, хусусан, апрель ойида Туркистондаги қуролли ҳаракат ўзининг энг юқори чўққисига чиқди. 1922 йил 10–15 апрелда Бойсундаги Кофирун қишлоғида Туркистон қўрбошиларининг Анвар Пошо бошчилигида катта қурутойи ўтказилтанилигини таъкидлаб ўтиш керак. 15–20 апрелда эса Самарқанд шаҳрида Туркистон мусулмонларининг II қурутойи ярим очиқ ҳолатда бўлиб ўтди. Бу қурутойни Туркистон Миллий Бирлиги ташкилоти фаоллари уюштирган эди. Унда Фарғона ва Самарқанд вилоятларидаги барча нуфузли қўрбошилар ўнгдан йигитлари билан, шунингдек, Хоразм ва Бухоро республикасидан кўплаб қўрбошилар, Сирдарё, Закаспий, Оқмўла (Актюбинск) вилоятларидан кўплаб вакиллар иштирок этдилар.

Боймирза Ҳайитнинг ёзишича, анжуманда Фарғона водийси ҳарбий мухолифатининг раҳбари Шермуҳаммадбек истиқлол кураши ҳақида катта маъруза қилди. Қурутой охирида 7 бўлим ва 36 банддан иборат маҳсус Резолюция қабул қилинди, у Шермуҳаммадбек бошчилигида тузилган Туркистон-турк мустақил ислом жумҳуриятининг Муваққат Конституцияси – Асосий Қонуни эди. Бу хужжат Туркистон ўлкасидаги Фарғона, Сирдарё, Самарқанд, Еттисув, Закаспий вилоятлари ҳамда Амударё бўлими эндиликда Туркистон-турк мустақил ислом жумҳурияти таркибига киритилганлигини қонун йўли билан мустаҳкамлади. Унда Туркистон муваққат ҳукумати 15 кишидан иборат бўлиши, улар орасидан мамлакат президенти, вице-

президенти ва бош котиб сайланмоғи, бу уч кишидан иборат Ижроия Қўмитаси пойтахтда доимий равишда ишлиши кўзда тутилган эди. Ҳукуматнинг бешта аъзоси Фарғона водийсидаги Наманган, Андижон, Марғилон, Қўқон, Ўш каби бешта вилоятнинг ҳарбий бошликлари қилиб тайинланадиган бўлди. Қолган 7 киши эса ҳарбий; ташқи ишлар; ички ишлар, почта ва телеграф; диний ишлар; молия; адлия; транспорт вазирлари қилиб тайинланishi керак эди. (Каранг: *Vaymirza Hayit. Turkistan im XX Jahrhundert*. S. 203–208.)

Шундай қилиб, Шермуҳаммадбек бошчилигидага 1920 йил май ойидаёк тузилган Туркистон мувакқат ҳукумати Самарқанддаги қурултойда расмий тасдиқланди. Афсуски, ҳукумат аъзолари бу кўхна ва муқаддас шаҳарда бир ойдан ортиқ тураломадилар. Чунки уларни қизил армия кисмларининг кучли зарбаларидан ҳимоя қилиш тобора кийинлашаётган эди. Шунинг учун ҳукумат ўз қарортохини қуролли ҳаракатнинг маркази бўлган Фарғона водийсига кўчирди. Фақатгила уч ой мобайнида ҳукумат ўз қарортохини беш марта ўзгартиришга мажбур бўлди (Самарқанд, Наманган, Ўш, Марғилон атрофидаги Фойибота ва Норин).

Халққа мурожаат

IIIермуҳаммадбек қўрбоғи томонидан доимий равишида турли хитобнома ва мурожаатномалар чиқарилиб, улар варақалар ҳолатида қўшиндан ташқари бутун Туркистон ўлкаси аҳолиси орасида тарқатиаган. Ўзбек тилида араб имлосида ёзилган бундай мурожаатномаларнинг кўпчилиги бугунги кунда Москва, Тошкент, Фарғона, Андижон ва бошқа шаҳарлардаги архивларда сақланиб қолган. Бу мурожаатномалар чекистлар қўлига тушгач, улар варақаларни рус тилига таржима қилиб, тегишли идораларга топширишган. Совет ҳокимияти раҳбарлари ва ҳарбий қўмондонлик Шермуҳаммадбекнинг бундай мурожаатномаларидан даҳшатга тушган. Чунки бу мурожаатномаларда Туркистондаги истиқлолчилик ҳаракатининг моҳияти очиб берилган ва қизил армия аскарларининг бутун кирдикорлари фош этилган.

Ана шундай мурожаатномалардан бири 1921 йилга тегишли бўлиб, у Андижон вилояти давлат архивининг 90-фондидаги

сақланиб қолган. Бу мурожаатнома матни тарихчи олимлар Р. Шамсұтдинов ва А. Қодировнинг 1999 йилда «Фан ва турмуш» журналида эълон қилингани «Шермуҳаммадбек ҳаётига чизгилар» номли мақоласида көлтириб ўтилган. Биз ушбу мурожаатнома матнини қўйида тўлиқ көлтириб ўтмоқчимиз:

Туркистон ўлкаси барча миллатларига!

Туркистон ўлкаси Мусулмон қўшинлари Бош қўмандони курашчан Шермуҳаммадбек Ғозийининг

МУРОЖААТНОМАСИ

Уибу билан барча миллатларга эълон қиларканман, худога шукрки, кундан-кунга куч-қудратимиз тобора ортиб бормоқда. Менинг барча қўмандонларим деярли ҳар куни Туркистонда яшаётган ва большавойлардан безор бўлган рус ва мусулмон аҳолиси ўз қуроллари, кийим-кечаклари билан сағимизга қабул қилинаётганликлари ҳақида хабар бермоқдалар. Биз уларни ихтисослиги бўйича лавозимларга қўймоқдамиз ва уларнинг иззат-икромини ҳам жойига қўймоқдамиз. Улар большавойлар яшаётган жойларда, шаҳарларда ва бошқа жойларда етишимовчилик, ётпасига очарчилик ва тартибсизликлар ҳукм сурәётганини билдиримоқдалар. Биз томонимизга ўтган бу кишилар озиқ-овқат билан тўла таъминланмоқда ва улар ўзларининг ҳаёт муҳитидан қониқаётганини билдиримоқдалар. Хорижий мавъумотларга қараганда, четдаги давлатлар большавойлар нима сабабдан туркистонликларга тўла муҳторият бермаётгани ҳолда, «Туркистонга аллақачон муҳторият берилган», деган ёлғон гаплар айттаётганликларидан газабга келаётир. Ҳозирги вақтда бу чет эл давлатларига большавойлар абллаҳ, ёлғончи эканликлари ҳамда уларнинг касби ҳар қандай вақтда ҳам меҳнаткашларни ва айбиз камбагал аҳолини талаши ва ўлдиришидан иборат эканлиги мавъум бўлиб колди. Шу тифбайли бу барча хорижий давлатлар ўз муҳитидан абллаҳ большавойларни улоқтириб ташлашига қарор қилдилар ва уларни тугатиш учун катта уруши очдилар.

Агарда ҳозирги вақтда большавойлар туркистонликларга тўла муҳторият берсалар, у ҳолда биз, туркистонликлар, ҳеч қандай зарар келтирмаймиз. Агардаки, тўла муҳторият бермасалар, у ҳолда биз юрагимиз ва танамизда охирги қонимиз қолгунча Ватіан учун курашамиз, яккаю ягона Тангри таоло, Муҳаммад пайгамбаримизнинг

шариати йўлида қурбон бўлишига тайёрмиз. Динимиз, ватанимиз учун бутун қалбимиз ва жисмимизни қурбон бераб, тўла галабага эришишини Аллоҳдан тилаймиз ва унга ибодат қиласиз.

Мусулмон қўшиллари Бош қўмандони Шермуҳаммадбек

(Андижон вилояти давлат архиви, 90-фонд, 1-рўйхат, 56-иш, 225-варак.)

Сўнгги муҳорабалар

Фарғона вилояти қўшиллари қўмандонининг 1922 йил 5 июндаги буйргуда айтилишича, истиқлолчилик ҳаракати «йилдан иилга камайши ўрнига, аксинча, кучайиб бормоқда» эди. Шу сабабли бўлса керак, 1922 йил 10 июня Фарғона вилоятига РСФСР ҳарбий ишлар халқ комиссари Л. Троцкий келди. У истиқлолчилик ҳаракатига қарши бошланган қизил армия қисмларининг жанг ҳаракатларини бошқаришини ўз қўлига олди. (Қаранг: Узбекистон МДА, 17-фонд, 1-рўйхат, 336-иш, 342-344-варақлар.) Қизил террорнинг асосчиларидан бири бўлган Троцкий уларга қарши шафқатсиз жазо чоралари қўллашни буюрди.

Бироқ бу пайтда қизил аскарлар Бухородан фарқли равишда Фарғона водийсидаги қўзғолончиларга қарши муваффақиятли ҳарбий ҳаракатларни ўтказишиди. 1922 йил кузиди Раҳмонкул қўрбоши (тажминан 1877–1922)нинг Наманган уездидаги жойлашган Ашоба (ҳозирги пайтда Тоҷикистон Республикаси Ашт тумани ҳудуди)даги кучли истеҳкоми авиация ёрдамида қизил армия томонидан босиб олинди. Ашобанинг 700–800 хўжаликдан иборат бутун аҳолиси тоғларга чиқиб кетди. Ўзи ашобалик бўлган Раҳмонкул ҳам яқин сафдошлари билан чекинишга мажбур бўлади ва орадан кўп ўтмай қизил аскарлар қўлига тупшиб қолади. Раҳмонкул (Мамаузоқов) ва ўнинг Турсунбой, Каримкул, Оллобой, Абдусаттор каби 5 та биродари ҳамда оила аъзолари, Абдумуталлиб, Кичкина Эргаш, Абдугалиб, Мамажон, Абдугафур, Йўлдошбай, Бобохўжа, Эрмуҳаммад сингари ўнта асосий қўрбошилари 1922 йил 27 ноябрь–2 декабрда Кўкон шаҳрида бўлган Туркфронт РВС трибунали сайёр сессияси томонидан отишга ҳукм қилинди ва 2 декабрда улар зудлик билан отиб ташландилар. (Қаранг: Наманган ВДА, 13-фонд, 1-рўйхат,

14-иш, 106–112-вараплар; Фарғона ВДА, 435-фонд, 1-рўйхат, 209-иш, 1–6-вараплар.)

1922 йил декабрь ойида қизил армия қисмлари Фарғона водийсидаги қуролли ҳаракатга яна кучли зарба беришга муваффак бўлдилар. Ҳарбий куч-кудрат ва сон жиҳатидан устун бўлган қизил аскарлар қатор ғалабаларга эришдилар. Натижада 1922 йил декабрь ойининг ўзида мухолифат қўшинидаги йигитлардан 1 582 таси ўлдирилди. Бунинг устига, Фарғона водийси халқи ҳам 5 йил давом этган узлуксиз жанглардан анча чарчаган эди.

Шермуҳаммадбек бошчилигида тузилган Туркистон муваққат ҳукумати 1922 йил охирига келиб тарқалиб кетишига мажбур бўлди. Шермуҳаммадбекнинг ўзи эса қатор жанглардан кейин 1922 йил декабрнинг сўнгти кунларида укаси Нурмуҳаммадбек ва қўрбоши Тўхтасин Мақсад билан умумий сони 450–500 йигитдан иборат гуруҳни олиб, олдин Бухоро республикаси худудига, 1923 йилнинг баҳорида эса Афғонистонга ўтиб кетди. (Қаранг: РГВА, 28113-фонд, 7-рўйхат, 84-иш, 16-варап.) Унинг кейинчалик водийга яна қайтиб келиши мақсадида қиласан барча уринишлари совет ҳокимияти томонидан йўқقا чиқарилди.

Шермуҳаммадбекнинг ака-укалари Рўзимуҳаммадбек ва Тошмуҳаммадбек ҳам ўз биродарининг қўшини сафида озодлик жангларида қатнашган эдилар. Улар 1923 йилнинг охирида қизил аскарлар томонидан қўлга олиниб, отиб ташландилар.

Хуллас, Шермуҳаммадбек ўзининг бутун фаолиятини Туркистон мустақиллиги учун курашга сарфлади.

Муҳожирликдаги ҳаёт

Ака-ука Шермуҳаммадбек ва Нурмуҳаммадбекнинг Афғонистонда муҳожирликда ўтган ҳаётлари анча мешақатли бўлган. Кобулнинг расмий ҳукумати совет Россияси тазиики билан уларга нохуш муносабатда бўлган.

1927 йили Кобулда ака-ука Шермуҳаммадбек ва Нурмуҳаммадбек Фарғона водийсидаги истиқдолчилик ҳаракати тўғрисидаги ўз хотираларини андижонлик котиб Абдулхай Махдумга айтиб туриб ёздиради. Мазкур хотираларнинг бир қисми кейин-

чалик профессор Р. Шамсұтдинов томонидан Ўзбекистон магбутида ҳам әйлон қилинди.

1929 йил 15 апредда Шермуҳаммадбек Афғонистондан кичик құшин билан Вахти дарёси орқали Шарқий Бухорога ўтмоқчи бўлганида совет авиаацияси ёрдамида ортта қайтарилди. Фақат унинг гуруҳидаги айрим бўлинмалар Ванч тумани ҳудудига кириб, совет муассасаларига ҳужум қилишга ултурди. Шермуҳаммадбек мухожирликда ҳам Туркистон мустакиалиги учун кураш ғоясидан воз кечмади.

Шермуҳаммадбек туркистонлик мухожирларнинг Афғонистонда тузилган «Ватанин озод қилиш» (бази манбаларда «Фаол») номли яширин ташкилоти асосчиларидан бири ҳисобланади. Уламолар пешвоси Сайийд Мубаширхон Тарозий (1896–1977) бу ташкилотнинг бошлиғи, Шермуҳаммадбек ҳарбий кучларнинг бош кўмандони эди. Шермуҳаммадбек укаси Нурмуҳаммадбек ва муфтий Садриддинхон Шарифхўжа ўғли (1878–1946) орқали Бухоро мухожирларининг бошлиғи Сайд Олимхон (1881–1944) билан доим мулоқотда бўлиб турган. Кобул ҳукумати Иккинчи жаҳон уруши даврида Шермуҳаммадбекни икки йилча (1943–1945 йиллар) қамоқда ушлаб турган. Бу пайтда унинг укаси Нурмуҳаммадбек ҳам афғонларнинг қамоқхонасида ўтириб чиқади. Ўлар озодликка чиққач, Афғонистонни тарк этишди.

Шермуҳаммадбек кейинчалик маълум муддат Ҳиндистонда, 1951–1955 йилларда Покистоннинг Пешовар шаҳрида яшади. Тарихчи олим Р. Шамсұтдиновнинг ёзишича, 1951 йили Афғонистонда яшаган туркистонлик мухожирлар Туркиядан сиёсий бошпана олишди. Ака-ука Шермуҳаммадбек ва Нурмуҳаммадбеклар бу ишга бош-қош бўлдилар. Шермуҳаммадбек вақтинча Пешовар, Нурмуҳаммадбек Карочида яшаб, 1111 кишини Туркияга жўнатишиди. Ниҳоят, 1955 йили Шермуҳаммадбек ўз оиласи билан Туркияга келди ва то умрининг охиригача Туркиянинг Адана шаҳрида ҳаёт кечирди.

1970 йил 10 марта Шермуҳаммадбек, 1984 йил 10 январда Нурмуҳаммадбек Адана шаҳрида вафот этишади. Шермуҳаммадбекнинг ўлими туркистонлик мухожирлар учун катта йўқотиш бўлди. Ўша кунлари Аданада мотам әйлон қилинди. Унинг дағи маросимига минглаб кишилар йигилди. Маросим қатнашчилари Туркистон Миллий байрони ва

Шермуҳаммадбек тобутини кўтартган ҳолда бутун шаҳарни айланиб чиқишиди. Шермуҳаммадбек Адана шаҳридаги улкан қабристонда дафи этилган. Унинг қабри устига ўрнатилган мармартошда лотин ёзувида «Туркистон истиқлол мўжодаласи Боши қўймондони Шермуҳаммад Бек 78 ёшида 10 марта 1970 тарихинда Ҳақнинг раҳматига қосувушмуштир», деган сўзлар ўйиб битилган.

Шермуҳаммадбекнинг авлодлари бугунги кунда Адана, Истанбул (Туркия) ва Нью-Йорк, Боонтон (АҚШ) шаҳарларида яшашади.

Шермуҳаммадбекнинг хотиралари

Фарғона водийсидаги истиқлолчилик ҳаракати тарихини ўрганилида Шермуҳаммадбек кўрбошининг хотиралари муҳим манба бўлиб хизмат қиласиди. Аввал ҳам таъкидлаб ўтилганидек, мазкур хотиралар миљодий 1927 йил февраль ойи (хижрий 1345 йилнинг шаъбон ойи)да Кобулнинг Боги Алимардон деган жойида ака-ука Шермуҳаммадбек ва Нурмуҳаммадбек тилидан андижонлик Абдулҳай Махдум томонидан ёзиб олинган. Абдулҳай Махдум 99 ёшида 2008 йил августда Туркиянинг Адана шаҳрида вафот этди. Унинг ўели, таржимон ва ижодкор Чигатой Кўчар айни пайтда Адана шаҳрида истиқомат қиласиди.

Бу хотиралар биринчи марта 1930 йилда Мустафо Чўқай муҳарририлигига Францияда чоп қилинаётган «Ёш Туркистон» журналида ўзбек тилида араб имлоси билан нашр этилди. Кейинчалик хотиралар Туркияда ҳам бир неча марта эълон қилинди. Бу хотираларни туркияллик машҳур тадқиқотчи Али Бодомчи (1949 йил 1 марта туғилган) ўзининг 1975 йил Истанбулда чоп этилган турк тилидаги «1917–1934. Туркистон миллий истиқлол ҳаракати. Кўрбошилар ва Анвар Пошо» (1-жилд) номли китобида босиб чиқарди.

Ушбу сатрлар муаллифи 2009 йил март ойида Адана шаҳрида бўлганида Чигатой Кўчарнинг хонадонидаги бой шахсий кутубхонасида бўлиб, унда хотираларнинг асл нусхасини кўрган ва кўчирма олган эди. Шунингдек, хотираларнинг нусхаси Аданада истиқомат қилувчи иқтисодчи ва тарихчи Али Бодомчининг шахсий кутубхонасида ҳам мавжуд бўлиб, муаллиф бу ерда ҳам кўлёзма ва китоблар устида ишлади.

Андижон Давлат университети профессори Рустамбек Шамсутдинов 1995 йил октябрь-декабрь ойларида Нью-Йорк (АҚШ)да бўлганида, Шермуҳаммадбекнинг ўғли Давронбек ва жияни Анварбек томонидан унга хотираларнинг бир нусхаси тақдим этилади. Р. Шамсутдинов бу хотираларни 1997 йили «Фан ва турмуш» журналида ҳамда 2006 йили «Тарихнинг ҳасратли саҳифалари» номли китобда эълон қилдирди. Биз хотираларнинг ушбу нашрини тайёрлашда асл нусха ҳамда Туркия ва Ўзбекистон нашрларини қиёсий жиҳатдан таққослаб, уларга таяндиқ. Шермуҳаммадбек хотираларининг матни қуидагича:

«Муҳтарам орқадошлар!

...Русиядаги ҳуррият тарафдорлари Русия императорлигига қарши бир ҳаракат этишишибдур. 1336 ҳижрийда, мутобик 1917 исавийда мухториятларини олиб ҳар миллат ўз ҳуқуқига соҳиб ўлуб, икки йил ҳуррият тарихи ила ҳукм сурди. Бу ҳуқумат ташкил ўлуб, усули салтанати усули машварот-ла тақдил этилдилар. Оқибат мухториятчилар қарши инқилобчилар хуруж қилиб, коммунист ёки большевик шиори ила буюк бир тўфон келтурди. Бу тўфоннинг ҳашаротлари ва заҳарлари-ла ҳайвонотлари бечора оқ гуруҳларни ҳалок этиб, мухториятни-да маҳв этиди. Бу муҳораба икки йил давом этди. 1336 ҳижрийда большевизм галаба қозониб, уларнинг раҳнамоси асли яхудий ва кейин руслашмиш Ленин номи-да бир инқилобчи ўлуб, бутун Русиядаги ҳоким ўлди. Сунгра бу большевизмга Русия ва мусулмон миллатчилари тақрор исён этиб, бир тарафдан муҳораба очдилар. Жумладан, Туркистаннинг Фарғона, Хива ва Бухоро атрофларидан чўх муҳоҳидлар майдони муҳоррабайа отилдилар. Булардан машҳурлари, етти йил давомида гайрат этганларидан икки кимса эди. Бирги Фарғона муҳоҳидлари раиси Шермуҳаммадбек эса, иккинчиси Бухоро муҳоҳидлари раиси Иброҳимбек эди...

Шермуҳаммадбек жаноблари зотинда бир ўзбек жамоасиндан ...ўлуб, оталари Кўшоқ Мирзо ҳожи номли бир зот эди. Булар отадан тўрт эр вужудга келиб: биринчиси Тоҷмуҳаммадбек, иккинчиси Рӯзимуҳаммадбек, учинчиси Шермуҳаммадбек, тўртинчиси Нурумуҳаммадбек ва бешинчиси Тошлимуҳаммадбек эди. Булардан учинчилари Шермуҳаммадбек большевизмдан ватанларини қутқармоқ учун 1917 да муҳорабага отилиб чиқди. Бу зот ибтидоий чиқдигинда юз нафарча ўтигитлари ила гайрат этиб, икки сиза тарофинда мингларча аскарларга соҳиблек ўлди. Шул вақтда Фарғонани ҳар бир атрофидан чиқмиши муҳоҳидлар бошлиги, қўрбоши номи ила

шүхратланиб, умуман бир раислари йўқ эди. Сўнгги саҳифаларда ёзилмиш 8 нафар қўмондон бир қўрбошиликда ҳокими мулкдор каби ўз аскарларига ҳукм юритар эди. Сўнг бу қўрбошилар қуеват топиб, 1918 да мазкур Шермуҳаммадбек умуман Фарғона муроҳидларига раис ўлди. Бу раисликда тўрт йил давом этди. Бу вақтда юз минг мунтазам аскарларга молик ўлуб, бир эр каби фармон этар эдилар. Шу 1922 сана Шарқий Бухородан Анвар Пошо марҳум қарши иши очиб, Шермуҳаммадбекни кўмак учун чақирди.

Жавобан Шермуҳаммадбек кўмак учун биродари Нурмуҳаммадбекни икки минг қаҳрамон йигитлари ила юбориб, ортидан ўзи ҳам Анвар Пошо марҳум хузурларига юрдилар. Бахтсиз миллат Туркистон иқболи йўқлигидан бу муроҳидлар ҳар бирига етуш масдан, аввал Шарқий Бухоронинг бир қарияси атрофинда Балжувон номли шум бир ерда руслар тарафидан даҳшатли бир ҳужум Анвар Пошо устинага отилиб, бу ерда доҳий, машҳур қаҳрамон гозий Анвар Пошони шафоқат қони-ла бўяди.

Одами ислом учун битмас даражада бир жароҳат ва алам тортилди. Сўнг Шермуҳаммадбеклар етшишуб, бу воқеадан чўх аламли ва гамгин ўлди. Сўнг етти кунга таъзия маросимларини адо этиб... очмоқ учун келмиси Сомийбек (Салим Пошо – К.Р.) ила биргаликда иш қилмоқ бўлдилар. Оқибат бу икки муроҳидларга ҳаргиз бадбахтлар ёлғон сўзлар тошишуб, ўрталарига бир буюк адоват солди. Шермуҳаммадбек Сомийбекдан ажраб, тог тарафга юрмоқчи бўлди. Сомийбек қувлаб ўққа тутди. Ўртада бир неча адад йигитлар шаҳид ўлуб, қувватлари бўлинди. Сўнг ҳалокатлар бири ортидан бири келиб Сомийбек-да, боишаси-да бир тарафга қочди. Фурсатдан истефодаланиб, Русия буюк ҳужумлар этди. Шермуҳаммадбек жаноблари шу 1324 да 300 (уч юз) аскарлари хоки мукаддас Афғонистон Бадахшонидан, Хонободда давлат тарафидан бир неча ой меҳмон этилдилар. Сўнгра мазкур сана давлати Хитойга бордилар. Ул ерда давлати Англиядан кўмак сўраб, Русияга қарши тақрор мухораба очмоқчи ўлдилар. Сўнгра Хитой тарафасидан юриб, тақрор Афғонистонга келуб, бу ерда давлати олия чўх кўмак ва пуллар берилиб, туз топилдилар. Бу вақтда алар Кобулда мүқим бўлиб, бир ойда минг руния ҳукумат тарафидан кўмак олиб турардилар. Камина хизматкоринда Нурмуҳаммадбек биродарлари ва бошقا 15–20 нафар йигитлари ҳозирдирлар. Атрофлари ила мухорабалар этишуб, миллат вазифаларинда чолишшуб турмоқдалар. Аллоҳ жалла жалалуҳу бек соҳибининг мақсадларина ҳосил этсун. Омин!»

Мазкур ҳужжатда Фарғона водийсида большевикларга қарши курашган лашкарбошилар, қўрбошилар ҳақида ҳам маълумотлар келтирилган. Улардан энг муҳимлари қуйидагилар:

«Шермуҳаммадбек 23 ёшида большевизмга қарши курапига киришиб, аввал 13 минг, сўнтра 103 минг лашкарга эга бўлган. Унинг етакчилигида Эргашбек, Мадаминбек, Холхўжа Эшон, Парпидек, Мухиддинбек, Омон Полвон, Нурмуҳаммадбек, Жонибек Қозилар миллий озодлик йўлида кураш олиб борганлар.

Кўқонлик Эргашбек 35 ёшида 6 йил уруш олиб борган, 12 минг аскари бўлган, муҳораба майдонида шаҳид бўлган.

Марғилонлик Мадаминбек 23 ёшида 10 минг аскари билан уч йил уруш олиб борган, 1920 йил майида шаҳид бўлган.

Ўшлиқ Холхўжа 43 ёшида 8 та лашкар бошлиқлари, 10 минг аскари бўлган; бир гуруҳ йигитлари билан Олой водийсида қор кўчкиси тагида қолиб кетган.

Андижонлик Парнибек қўрбоши 35 ёшида 8 нафар лашкар бошлиқларига, 10 минг жангчига эга бўлиб, 5 йил кураш олиб борган. 1921 йили Сузоқда шаҳид бўлган.

Кўкжарлик Мұхиддинбек 40 ёшидан бошлаб 11 та лашкарбоши, 13 минг қыргиз йигитааридан иборат жангчилар билан 7 йил уруш олиб бориб, шаҳид бўлди.

Наманганлик Омон Полвон 6 лашкарбоши, 8 минг аскар билан 7 йил жанг қилиб, шаҳид бўлган.

Яккагатулик Нурмуҳаммадбек 18 ёшида 7 йил уруш олиб бориб, кейинчалик Туркияда вафот этган.

Ўзганлик Жонибек қози миллий курашни бошлаганида 50 ёница эди. У 4 нафар лашкарбошига ва 10 минг аскарга эга бўлиб, 7 йил уруш олиб борган, сўнг Шарқий Туркистонга муҳожир бўлиб ўтиб кетган.

Эргашбек қўрбошининг қўли остида қуйидаги лашкарбошилар бўлган:

Кўқонлик Эшмуҳаммадбек, 35 ёшда;

Олтиариқлик Тўйичибек, 35 ёшда;

Қўштегирмоналик Мирзо Улугбек, 25 ёшда;

Янганлик Ислом Полвон, 35 ёшда;

Бешариқлик Ҳамдам Ҳожи, 35 ёшда;

Қиссакўзлик Үсмон дев, 30 ёшда;

Олтиариқлик Султон Гозий, 40 ёшда;
Ворухлик Мұлла Пұлат, 30 ёшда;
Сұхлиқ Абдурахим Махдум, 45 ёшда.

Мадаминбек құрбошининг күли остида қуидаги лашкарбошилар бұлған:

Найзақайрағочлик Салих Махдумбек, 30 ёшда;
Наманганлик Исмоил Полвон, 32 ёшда;
Қалмоқлик Усмонбек, 33 ёшда;
Оқёрлик Қозоқбайбек, 26 ёшда;
Қоракийиклик Хошим Полвон;
Имоматалик Холхұжа Соҳиб қори, 35 ёшда;
Аравонлик Йұлчыбек, 32 ёшда;
Булоқбошилик Теша Қайсар, 30 ёшда;
Үшлик Оқсоқ Ниәз, 25 ёшда;
Үшлик Нұғынбек, 20 ёшда;
Сузоқлик Мұлла Умрзоқбек, 40 ёшда;
Үшлик Сайд Ахмадбек, 25 ёшда;
Султонободлик Йұлдош Полвон, 30 ёшда.

Буларнинг ҳаммаси большевиклар билан жангларда шаҳид бұлған. Уларнинг ҳар бири қарамогида 1 000—1 200 нафардан узбек үғлонлари бор әди.

Андижонлик Парпібек құрбоши қарамогида 7 нафар лашкарбоши бўлиб, ҳар бирида 1 000—1 200 йигит бўлған бу лашкарбошилар ҳам большевикларга қарши олиб борилган жангларда қаҳрамонларча шаҳид бўлиштан. Улар қуидагилардир:

Хирабеклик Юнусбек құрбоши, 45 ёшда;
Омончуралик Исройлбек;
Урганжилик Маҳкам Ҳожи, 40 ёшда;
Мирободлик Қозоқбай, 25 ёшда;
Мұлла Абдураззок, 30 ёшда;
Андижонлик Охунжон, 35 ёшда;
Мирза Тога, 50 ёшда.

Омон Полвоннинг қўли остидаги лашкарбошилар:

Куршоблик Раҳмонқулбек, 40 ёшда;

Балиқчилик Йўлдош Чумоқ, 30 ёшда;

Хўжаободлик Сотиболди қози, 32 ёшда;

Балиқчилик Рўзимуҳаммадбек, 27 ёшда;

Хивалик Ҳожи Тўрабек, 35 ёшда;

Момохонлик Бойтуманбек, 35 ёшда.

1 000–1 200 йигитларга раҳбарлик қилган бу лашкарбошилар ҳам шаҳид бўлганлар.

Мазкур ҳужжатта кўра, Нурмуҳаммадбекнинг қўмондонлиги остида қуйидаги 25 нафар лашкарбоши бўлган (энг ёни 18 ёшлик):

Кумариқлик Сотиболди Соҳиб, 18 ёшда;

Гарбувалик Умар билан Тошмуҳаммад;

Абусиёлик Дардақбек;

Қорасоқоллик Эргаш Полвон ва Юсуф Полвон;

Сувкечиклик Асқарбек;

Чеклик Раҳматали;

Хонариқлик Жўрабек ва Эргаш;

Тевагумлик Авлиёҳон Тўра;

Гарбувалик Рўзимуҳаммад;

Кизилоёқлик Аҳмад Полвон;

Зилхалик Алиёрбек ва Ганихон;

Сўқоқлик Тўхтасин;

Хўжаҳасанлик Умарали қулоқ;

Толмозорлик Мулла Хотам;

Шўрбулоқлик Муҳаммад Рўзибек;

Коросконлик Юсуфжон Маҳмуд;

Жугонлик Мулла Пўлат;

Шокир қўрбоши;

Тожиккишлоблик Қўшмурод;

Отиариқлик Қорабой;

Найнаволик Муҳаммадали.

Жонибек Козининг ихтиёрида 4 нафар лашкарбоши бўлиб, улар ҳам большевизм билан курашда шаҳид бўлганлар:

Шамсибек, 47 ёшда;

Олайкуллик Жамолбек, 30 ёшда;

Ўзганлик, курсоблик Қодирбеклар, 35 ёшда, қирғиз;

Куршоблик Путиков, 34 ёшда, рус».

1927 йили Кобулдаги Боғи Алимардонда айтилган хотира ва тузилган шаҳид лашкарбошилар рўйхатидан кейин мана бу сўзлар битилган:

«Кабрингда роҳат топ, миллат шаҳидлари, ёш Фаргона мужоҳидлари, қаҳрамонлари.

Яшасун миллат қаҳрамонлари.

... Оҳ, Фаргона!»

(«Фан ва турмуш», 1997 йил, 2-сон, 18–20-бетлар.)

Шермуҳаммадбек шаънига айтилган туҳмат тошлари

Бугунrossия Фавқулодда комиссияси (ВЧК), сўнгра Бирлашган давлат сиёсий бошқармаси (ОГПУ)нинг Шарқ бўлими мудири, миллати армани бўлган чекист Георгий Агабеков XX аср 20-йилларида Туркистон АССР ва БХСРда жосуслик ишлари билан шуғулланган. Анвар Пошонинг Шарқий Бухорода – Балжувионда 1922 йил август ойида ҳалокатга учрашида унинг ҳам кўли бор. Ўн йилдан ортиқ вақт давомида чекист сифатида жуда кўп бегуноҳ одамларни кон қақшатган Г. Агабеков ўз «эътиқоди»га хиёнат қилиб, 1929 йили ўрталарида хорижга қочиб кетади. Унинг «Махфий миссия» номли хотиралар китоби 1930 йили Парижда рус тилида нашр этилгач, Фарбда катта шов-шув бўлиб кетди. Г. Агабеков 1937 йилда НКВД агентлари томонидан хорижда ўлдирилди. Г. Агабековнинг китоби 1998 йили Москвада ҳам рус тилида нашр қилинди.

Ўзининг разилона қилмишларини хотираларида усталик билан ниқоблаган ва коммунистик мафкурага қарши «кураш» эълон қилган ана шу кас Европа давлатларида яшаб юрган даврида ўзининг ифлос панжасини Шермуҳаммадбекка қарши чўзади. Г. Агабеков Парижда чиқаёттан «Ёш Туркистон» жур-

налида (1930 йил, 11-сон) Шермуҳаммадбек ҳақида тұхмат ва бүхтонга тұла хотира-мақола әйлон қиласы. Мақолада ёзилишича, Шермуҳаммадбек құрбоши гүёки чекистлар ва у билан ҳамкорлик қылған әмисш. Журнал таҳририятининг бу мақолани чоп этишдан мақсади, Шермуҳаммадбек тұхматчига қарши раддия ёзажаги ва большевикларнинг собиқ жосусини фош қилишига ишонади. Айни пайтда таҳририят томонидан Г. Агабеков мақоласында қуидагиша шарх берилади:

«Биз ҳақиқий Туркестон миллиятчиси бұлған Шермуҳаммадбекнинг бу чекистлар томонидан үнинде үстіга отылмоқда бұлған дөнгөн тозалаб олажағына ишонамиз».

(«Yas Turkistan». 1930. №11. 19–23-бетлар.)

Орадан мәдени муддат үттеге, журналнинг бу сони билан танишган Шермуҳаммадбек таҳририятта үзининг раддиясини юборади. «Мана энді, – дейиллади журнал хайъатининг навбатдағы шархыда, – Шермуҳаммадбек үз раддиясини юбориб үтирубдур.

Бу раддия бұлмаса ҳам бизнинг Шермуҳаммадбекка нисбатан ишончимиз камайғани үйкөзді. Бу Шермуҳаммадбекке раддияси ила большевикларнинг шайтонлігіні яна бир дағыра ортуқ майдонға чиқарған бүлдірді.

«Ёш Туркестон» журнали бу шарх билан Шермуҳаммадбекнинг Кобуддан Парижға ийлілден қуидаги мактубини чоп этади. Биз ушбу мактуб матнини «Тарихнинг ҳасраттасағылары» (Тошкент: Шарқ, 2006) китобига киритилған профессор Р. Шамсұтдиновнинг «Фаргонада құрбошилары» номли мақоласыда көлтирилған матн асосыда бериб үтишни лозим топдик:

«Севикли афандилар!

Чин күнгілдан қайнаб чиққан арз ила ихлос-хүрматларимни қабыл этингиз. «Ёш Туркестон» журналида бурунғы чекистлардан Оғабековнинг хотираларыда меним үстимға айтылғон кир бүхтонни үқиб, жуда үқиндім ва бу журналнинг үз пайтада менге келиб етмаганига күп қайғурдым.

Тангрى ярлақасын, шу күнларда мұхтарам мұфти Садриддинхон ҳазратларининг Кобулға келиб қолышлари журналнинг бу масала ила алоқадор сонини үқиб чиққашымға сабаб бўлди. Шу пайтада ёк қўлимға қалам олиб, үзимнинг миллий мұқаддас вазифамни бажаришга, үстимға ҳақсиз отилған қора тұхматни итқитиб ташлашга қарор қилдим.

Истакли афандилар! Бизнинг миллий ва эзгу вазифаларимизни онглатиб, чизиб ўтишларингизга чин юракдан миннатдорлик қиласман. Тўғри, Туркистоннинг ҳур тирилиши учун кўкрагини кериб, курашиб ўлган мингларча Туркистон шаҳидларининг муборак қонлари масъулияти устимизда эканligини биз, муҳоҳидлар, сира унумтмаймиз.

У муҳтарам шарафлик шаҳид тугонларимизнинг қонлари бизни бундай кир манжус тузоққа илингаслигимизни амр этади. Оё бу кунларда большевикларнинг мингларча миллат ходимларимизни ноҳақ ўқса тизиб турғонда қандай бир виждонсиз хоин уларнинг кўмагига қўй узатади экан?..

Мен Оғабеков ва унинг манжус идораси ГПУ вакиллари билан ҳеч вақт ҳеч қандай ерда кўришимадим. Пул ҳам олмадим, ҳақимдаги сўзларнинг бошдан-оёқ қип-қизил ёлғон эканини очик-оидин эълон қиласман.

Оғабековнинг қўлида мени қоралайтурғон кичкина бир далил бор бўлса, мана, майдон, марҳамат этсин! ГПУ тузогига илина-диган айгоқ қони менда йўқ. Мен бошқа муҳоҳидлар билан бирга шараф билан миллатимнинг қутулиши учун чалишдим. Кўксимни ўқса девор қилиб уришдим. Уша синаашда душманимиз бўлган золим большевиклар ила бундан кейин ҳам урушишга ҳозирман.

Муҳтарам афандилар!

Меним юқорида ёзғон кичкина раддиямни мендан бўлмагон сабабларга биноан кечикишига қаррамай, журналингизга босиб, дунёга тарқатсангиз, бўйнимга буюк бир миннат қўйғон бўлур здингиз.

Тўлиқ ҳурматларимни қабул этингиз.

Шермуҳаммадбек.

Афғонистон. Кобул.

8 ноябрь 1934 йил».

(Тарихнинг ҳасратли саҳифалари. Масъул муҳаррир Н. Каримов. – Т.: Шарқ, 2006. 103–104-бетлар.)

Шермуҳаммадбек кўрбошига қилинган туҳматлардан яна бири уни Мадаминбек ўлимига алоқадорликда гумон қилиш ва айблашдир. Ушбу сатрлар муаллифи 2011 йилда «ABU MATBUOT-KONSALT» нашриётида чоп қилинган ўзининг «Мадаминбек» тарихий рисоласида Мадаминбекнинг сир-

ли ўлими түгрисида маҳсус тўхталиб ўтган эди. Бу ўринда эса Шермуҳаммадбекнинг бу фожиага алоқаси йўқлигини яна бир марта таъкидлаган ҳолда мавзуга оид айрим фикрларни айтиб ўтишни лозим тоғдилик.

Шермуҳаммадбекнинг ўзи XX аср 60-йилларида совет тарихчилари ва айрим галамисларнинг Мадаминбек ҳалокатида уни айбордor қилишиларига «Америка овози» радиоси орқали кутидагича жавоб берган:

«Мадаминбекнинг ўлимига мен айбордor эмасман. Уни уруш чиқариш мақсадида ўша пайтдаги 1-армия қўмондони Зиновьев оттириб, дарёга ташлаб юборган».

Туркиялик иқтисодчи ва тарихчи олим Али Бодомчи ўзининг «1917–1934. Туркистон миллий истиқлол ҳаракати. Кўрбошилар ва Анвар Пойто» (I-жилд) номли машҳур асарида ёзишича, Мадаминбекни чекистларнинг топшириги билан Сойиб Кори ва Лутфуллоҳ Маҳдум ўлдириб, Бухорога қочиб кетганлар. Бу ҳақда уларнинг ўзлари кейинчалик эътироф этишган. Али Бодомчи Мадаминбек кўрбошини Шермуҳаммадбек ўлдирган, деган фикрни тамоман рад этиб, Мадаминбекни большевикларнинг ўзи ўладиртириб юборган, деган хуносага келади. Биз ҳам шу фикрдамиз. Унбу сатрлар муаллифи томонидан 1994 йилда ёзилган «Фаргона водийсидаги истиқлолчилик ҳаракати: моҳияти ва асосий ривожланиши босқичлари (1918–1924 й.)» мавзуидаги номзодлик диссертациясида Мадаминбекнинг ҳақиқий қотили большевиклар ва қизил армия қўмондонлиги вакиллари эканлиги таъкидланган.

Биз билан бўлган ўзаро сұхбатда Шермуҳаммадбекнинг қизи Саодатхон ая ва жияни Анварбек акаларнинг айтишича, Мадаминбек қўрбоши Шермуҳаммадбекнинг ёшлиқдаги дўсти, большевикларга қарши биргаликда курашни учун қасам ичган 7 йигитнинг бири Мадаминбек бўлса, иккинчиси Шермуҳаммадбек эканлиги, Шермуҳаммадбек ўз куролдош дўсти хотирасига хурмат сифатида неварасига унинг исмини қўйганлиги (Саодатхон аянинг 1947 йил Кобулда туғилган катта ўғли Муҳаммадамин Бек деб аталади; у ҳозир Истанбулда яшайди), катта қизи Саодатхон (у 1930 йил Кобулда туғилган) га Мадаминбекнинг рафиқаси Саодатхон ая Абдураззок қизи (1903–1994)нинг номини берганлиги, укаси Нурмуҳаммадбек эса Мадаминбекнинг холаваччасига уйланганлигини тушунтириш-

ди. Шермуҳаммадбек ҳар доим хорижда Мадаминбекни миллий қаҳрамон сифатида эъзозлаб келган.

Хулас, Шермуҳаммадбек қўрбошига у ҳали қуролини қўлдан қўймаган даврда ҳам, тириклик пайтида ҳам, ўлимидан сўнг ҳам қилинган турли тухмат ва маломатлар замонларнинг даҳшатли пўртанаалари остида бир совун кўпигидек ажралиб, йўқликка учеб кетмоқда. Шермуҳаммадбек эса тарих ҳукми олдидан ёруғ юз билан ўтиб, XXI асрдаги баркамол ўзбек наслига пептвоз чиқмоқда.

Узоқ кутилган дийдор

III ермуҳаммадбекнинг шахсий ҳаёти ҳам фаолияти сингари мураккаб кечган. Шермуҳаммадбекнинг авлодлари ва яқин қариндош-уруғларидан ёзib олинган хотиралар асосида унинг оиласи ва фарзандлари тўғрисида мухтасар маълумотлар бермоқчимиз.

Шермуҳаммадбек Фаргона водийсида қизил армияга қарши кураш олиб бораётган 1921 йилда, архив ҳужжатларида келтирилишича, шоҳимардонлик Мамажон мингбошининг 13 ёшлик қизи Солияхон (1908–1941)га уйланади. Шермуҳаммадбекнинг биринчи рафиқаси бўлган Солияхон Маъмуррова эри муҳожирликка кеттач, Фарғонада яшаб қолади. Уларнинг фарзанди бўлмаган. Коллективлаштириш даврида бу аёл колхозга кириб, эл қатори турмуш кечиради.

Тошлиқ тумани Оқсоқ қишлоқ советининг Терактош қишлоғида истиқомат қилган С. Маъмуррова 1937 йил 3 декабрда совет органлари томонидан қамоққа олиниб, 8 йил қамоқ жазосига ҳукм этилди. С. Маъмурованинг акалари Мамадали ва Маҳмуд Маъмурвлар ҳамда амакивачаси Нормат Холиқов ҳам қамалади. У жазони Вятка лагерларида ўтайди. Улар совуқ ўлкаларда ҳалок бўлишган. С. Маъмуррова ўлимидан сўнг 1989 йилга келибгина оқлашди. Шермуҳаммадбек эса Кобулда яшаб турган пайтда, 1924 йили Андижондан бу ерга келиб қолган Зулфинисо исмли қизга уйланди. Зулфинисо 1898 йили Андижонда туғилган бўлиб, машҳур Миркомилбой (1882–1918)нинг жияни бўлган. Бу никоҳдан Давронбек (1927 йил), Саодатхон (1930 йил), Жаҳонгир ва Ҳосиятхон исмли фарзанд-

лар Кобулда дунёга келди. Жаҳонгир ва Ҳосиятхон ёшлигига вафот этишган. Уларнинг онаси – Шермуҳаммадбекнинг рафиқаси Зулфинисо ая 1977 йили 79 ёшида Адана шаҳрида вафот этди. Ҳозир Шермуҳаммадбекнинг тўнгич ўғли Давронбек ака 84 ёща бўлиб, АҚШнинг Нью-Жерси штатидаги Боонтон шаҳрида яшайди. Саодатхон ая бугунги кунда 81 ёшда бўлиб, у Туркиянинг Адана шаҳрида истиқомат қиласиди. Саодатхон ая 1946 йили Кобулда ўশлик Сайджонга турмушга чиққан бўлиб, бу никоҳдан Кобулда Мухаммадаминбек (1947 йил), Маҳамат Сиддик (1950 йил), Покистонда Мунаввар Човуш (1952 йил), Аданада Ҳосият (1962 йил), Мухаммад Усмонбек (1965 йил), Мехринисо Авжи (1969 йил) ва Умарбек (1955–1967) номли 7 фарзанд туғилган.

Шермуҳаммадбекнинг укаси Нурмуҳаммадбек ҳам дастлаб Фарғонада уйланган. Биринчи хотинининг исми Саодатхон бўлиб, бу никоҳдан Абдулҳамид туғилган. Айрим архив ҳужжатларида келтирилишича, Нурмуҳаммадбекнинг бир тўқоли ҳам бўлиб, у қирғиз Мухиддинбек қўрбоши (тахминан 1877–1922) нинг қизи бўлган ва Нурмуҳаммадбек унга 1921 йилда уйланган.

Нурмуҳаммадбек мухожирликка жўнаб кетганда, бу аёллар Ватанда қолишган. Нурмуҳаммадбекнинг ўғли Абдулҳамид ҳам СССР ҳудудида қолиб кетган бўлиб, у 1940–1941 йиллардаги совет-фин урушида ҳалок бўлган.

Нурмуҳаммадбек 1930 йил Кобулда Собирахон исмли қизга уйланган. Ундан икки фарзанд: Анварбек номли ўғил (1934 йил туғилган) ва Сурмахон исмли қиз (1936 йил туғилган) кўришган. Собирахон ая 1960 йили вафот этгач, Нурмуҳаммадбек Аданада 1963 йили Ҳурияхонимга уйланган. Бу никоҳдан бола туғилмаган.

Нурмуҳаммадбекнинг ўғли Анварбек ака бугунги кунда 77 ёшда бўлиб, у АҚШнинг Нью-Жерси штатидаги Боонтон шаҳрида рафиқаси Мунаввар Каримжон қизи билан истиқомат қиласиди. Сурмахон эса амакиси Шермуҳаммадбекнинг ўғли Давронбекка 1953 йил Кобулда турмушга чиққан бўлиб, у ҳам ҳозирги пайтда Боонтон шаҳрида оиласи билан яшайди. Давронбек ака ва Сурмахон аянинг Аданада туғилган Савилой (1959 йил), Ойдинбек (1961 йил), Отиллабек (1964 йил), Чингизбек (1966 йил) номли 4 нафар фарзандлари бор.

Ушбу сатрлар муаллифи Тошкент шаҳрида 1997 йили Шермуҳаммадбекнинг АҚШда яшовчи невараси Ойдинбек (1961 йил Аданада туғилган; Давронбекнинг ўғли; артист Гулчехра Фозилжонованинг күёви) билан учрашди ва сұхбатлашған зди. 2008 йил июль ойида Тошкентда Шермуҳаммадбекнинг жияни Анварбек ака (Нурмуҳаммадбекнинг ўғли) билан уч күн давомида қызғын мұлоқот бўлди. Анварбек ака 1934 йили Кобулда туғилган бўлиб, у киши айни пайтда АҚШнинг Нью-Жерси штатидаги Боонтон шаҳрида истиқомат қиласидилар. Ниҳоят, 2009 йил март ойида Адана шаҳрида Соодатхон ая билан узоқ кутилган учрашув юз берди. Бу сұхбатларда Шермуҳаммадбек фаолияти ҳақида нодир маълумотлар олинди.

Шундай қилиб, марғилонлик Мадаминбек ва Шермуҳаммадбек қўрбошилар ўз ҳаётларини она-Ватан – Туркистон озодлиги ва истиқоли учун курашга бағишлишди. Уларнинг бири – Марғилоннинг мард йигити Мадаминбек ана шундай курашлар жараёнида 28 ёшида сирли ва ноаниқ тарзда ҳалок бўлди. Мадаминбек қўрбошилар томонидан ўлдирилган, деган фикр узоқ йиллар давомида исбот талаб қилинмайдиган қараш (аксиома)га айланди. Ҳолбуки, Мадаминбекнинг 1920 йили сиёсий ва ҳарбий саҳнани эрта тарқ этишидан энг аввало большевиклар ва қизил армия қўмандонлиги манфаатдор бўлган. Шунинг учун ҳам Мадаминбекнинг ҳақиқий қотили большевиклар зди.

Марғилонлик шер йигитларнинг сараси Шермуҳаммадбек эса (у Мадаминбекдан бир ёш кичик бўлган) совет режимига қарши олти йил давом этган шиддатли жанглардан сўнг 1923 йил бошларида 30 ёшида Ватан тупроғини тарқ этишга мажбур бўлган зди. Ака-ука Шермуҳаммадбек ва Нурмуҳаммадбек қўрбошилар қолган умриарини турли давлатларда муҳожирликда ўтказишли. Шермуҳаммадбек ҳаётининг сўнгги 47 йилини, Нурмуҳаммадбек эса қолган 60 йилдан ортиғини Ватан дийдорига талпиниб, юрг соғинчи билан яшаб ўтди. Бироқ ака-укалар Ўзбекистон Республикаси мустакиллигини кўра олмай муҳожирликда вафот этишли. Ҳалқимиз истиқолол нацидасини юрак-юракдан хис қилиб турган мана шундай кувончли ва фараҳбахш кунларда марғилонлик бу фидойилар ҳаёти ва фаолиятини хотирлаш, улар жасоратидан ўрнак олиш ўзбекистонлик ҳар бир ватанпарвар йигит-қизнинг қалб амрига айланмоғи лозим.



Шермуҳаммадбек совет режими даврида Кўршермат (жангларнинг бирида унинг чап кўзига ўқ теккан эди) деб таҳқирланган ва унинг жанговар фаолияти соҳталаштирилган эди. Хайриятки, вақт барча нарсани тартибга солди. Бутунги кунда Шермуҳаммадбекнинг серқирра фаолияти тўғрисида Туркия, Ўзбекистон, Италия, Германия ва бошқа мамлакатларда кўплаб китоблар ёзилган. Ўзбек ҳайкалтароши Абдумалик Убайдуллаев Шермуҳаммадбекнинг ҳайкалини яратган. Истеъодли ёзувчи Жонрид Абдуллахоновнинг «Тарки дунё» (2009) роман-хроникаси ҳамда ўрмончи ижодкор Мансурхўжа Хўжаевнинг «Шермуҳаммадбек қўрбоши» (2008) номли тарихий бадиаси нашр этилди.

Шермуҳаммадбек ҳақидаги ҳангомалар

Буюк шахслар тўғрисида ҳалқ ҳамма пайт ўз фикрини айтиб келган. Бу фикр тури даврларда замона зайли билан жузъий тузатишларга учраса-да, ҳалқ хотирасида сақланиб қолган ҳамда авлоддан-авлодга ўтиб, тобора сайдаллашиб борган. Машҳур саркарда ва лашкарбоши Шермуҳаммадбек тўғрисида ҳам Фарғона водийси аҳолиси ўртасида ҳозиргача тури ҳангома ва шеърлар давраларда нақл қилинади, бу ҳангомалар оғиздан-оғизга ўтиб, XXI асрга ҳам кириб келди. Коммунистик мафкура бутун даҳнати билан Шермуҳаммадбек ва унинг хотирасига қарши курашса-да, улар ўзбек ҳалқи тафаккуридан бу нақлларни ўчириб ташлай олмаган.

Ушбу сатрлар муаллифи кўп йиллардан буён ана шундай шеърлар, нақллар ва латифаларни тўплаб юради. Бу латифа ва ҳангомаларнинг бир қисми мустақиллик даврида тури китобларда эълон ҳам қилинди. Қўйида ана шундай ҳалқ оғзаки ижоди дурданалари – биттадан шеър ва латифани китобхонлар ҳукмита ҳавола қилмоқчимиз. Улар Ўзбекистон ҳалқ шоири Анвар Обиджоннинг «Олтиариқ ҳангомалари» (1999) китобидан олинди.

Төгдан тушади Шермамат (Шеър)

Белига ўқдон боғлаволиб,
Хиром этигини ёғлаволиб,
Төгдан тушади Шермамат.

Сүйганини қучоқлашга,
Сүймаганини пичоқлашга,
Төгдан тушади Шермамат.

Мусулмондан нон олгани
Кофирилардан жон олгани
Төгдан тушади Шермамат.

Нон топмаса, оч ухлашга,
Жон топмаса, қон йиглашга
Төгдан тушади Шермамат...

Латифа

Kоравой құрбоши билан Тұхта құрбоши Қапчугайсайдан тик ариқ тортиб Олтиариқни тенг иккиге бұлып олмоқчи бўлишибди. Бу галва Шерматбекнинг құлогига етиб, иккала құрбошини ҳузурига чорлабди-да, жаҳлини ютиб, сиполик билан гап бошлибди:

— Олтиариқни бўлиб олишларингга қаршилигим йўқ. Аммолекин Шакарқишлоқ у мамлакатда, Ширинқишлоқ бу мамлакатда қоладиган бўлса, охирни катта тўполон чиқади.

Кўрбошилар ҳеч нарсага тушунмай бир-бирларига қараб қўйиб, яна қўмондоннинг оғзига тикилишибди.

— Шуниям тушунмайсанларми, хумпарлар? — дебди Шерматбек. — Эски гурунгларнинг хумори тутитиб, шакарқишлоқликлар ширинқишлоқликларни аскияда эзгиси кепқолса, бир мамлакат иккинчи мамлакатга бостириб кирадими?

Икки ажабтовур қишлоқ ўртасидаги чапани алоқалар Буюк Олтиариқни парчаланишдан асрар қолган экан.

(Анвар Обиджон. Олтиарик ҳангомалари. (Ҳажвия ва ҳангомалар). – Т.: Маянавият, 1999. 32; 73–74-бетлар.)

Чўлпон

ГЎЗАЛ ТУРКИСТОН

(Шеър)

Гўзал Туркистон, сенга ие бўлди?
Саҳар вақтида гулларинг сўлди.
Чаманлар барбод, қушлар ҳам фарёд,
Ҳаммаси маҳзун, бўлмасми дил шод?

Билмам, на учун қушлар учмас боқчаларингда?

Бирлигимизнинг тебранмас тоги,
Умидимизнинг сўнмас чироги,
Бирлаш, эй ҳалқим, келгандир чоги,
Безансин энди Туркистон боги.

Кўзгал, ҳалқим, етар шунча жабру жафолар.

Ол байрогингни, қалбинг уйғонсин,
Қуллик, асорат – барчаси ёнсин,
Қур янги давлат, ёвлар ўртансин,
Ўсиб Туркистон, қаддин кўтарсан!

Яйрат, яшнат, ўз Ватанинг гул боғларингда.
1917 йил

(Абдулҳамид Чўлпон. Гўзал Туркистон [Шеърлар].
Тошкент: Маънавият, 1997. 16-бет.)

Чўлпон
ГЎЗАЛ ФАРГОНА
(Шеър)

Эй, гўзал Фаргона, қонли кўйлагингдан айланай,
Тарқалиб кетган қора, ваҳший сочингга боғланай.
Ваҳший бир ўрмон каби бағрингни босмийтири қамиш,
Кўзларингда ҳеч кўрунмас бир олов, бир ўт ёниш.

Кенг, чўзиқ яйловларинг ёвларга очмий кўксини,
Бир қора парда босибдир тупрогингнинг устини.
Кўзларинг сўлган, ўлик руҳинг билан боқдинг менга,
Кутулишининг юлдузи асло кўринмасми сенга?

Ул баланд зўр тогларинг нега тўсолмас ёв йўлин?
Йўқмидур ўткур қилич кесмакка ёвларнинг қўлин?
Биз бутун ожиз, заиф, бағри эзилган сен учун,
Бул қадар қонлар тўкилди ул даҳидир сен учун.

Йиглама, юртим, агарчи бул кунингда ийқ бахор,
Келгуси кунларда баҳтинг юлдузи ўйнаб қолар.

1919 йил

(Хайрулла Исматулла. Чўлпон ва жаҳон//Türkistan'da
Yenilik Hareketleri ve İhtilaller: 1900–1924. Osman Hoca Anısına
İncelemeler. Hazırlayan Timur Kocaoğlu. Haarlem, 2001. 233-бет.)

Аъзам Назирий

ШЕРМУҲАММАДБЕК (Шеър)

Маънан ҳақлидурман гуурламоққа,
Аждодларим руҳин хотирламоққа.
Шўролар ёмонлаб халоскорларни,
Келдилар уриниб ишонтируммоққа.

Она – Туркистоним узра кенг осмон,
Калхат, қузгуналарга бўлганда макон.
Миллат фахри бўлган не-не алп қомат,
Алномиши ўигитлар фидо этди жон.

Шуларда шер қадам Шермуҳаммадбек,
Босқинчилар томон чиқиб борди тик.
Шунқорларни чорлаб, белини боғлаб,
Хужумга отланди Мангубердидек.

Элу юрт помуси шараф-шоним деб,
Бобом Темур қўллар, бор имконим деб.
Довюрак сарқарда Шермуҳаммадбек,
Куну тун жанг этди Туркистоним деб.

Ҳар сўзни фикрлаб бир бор кесди у,
Шўролар ҳийласин пайқаб сезди у.
Ватан озодлигин буюк баҳт билиб,
Курашда аёвсиз ёвни эзди у.

Халоскор қўшинга сайланган сардор,
Ўксик кўнгилларга бўлди мададкор.
Ботир ўғлонларга йўлбошли бўлиб,
Озодлик тугини тутди у шиор.

Бирдан бир мақсади бирлашмоқ эди,
Бир ялов остида курашмоқ эди.
Озод Ватан учун бир тан-жон бўлиб,
Тўлқинли дарёдек жўш урмоқ эди.

Багрини тирнарди Бекнинг армони,
Кундан кунга бўлди зулм замони.
Бадкирдор хоинлар «хизмати» билан,
Узайди ганимнинг қўли, забони.

Шермуҳаммад чуқур ўйларга толиб,
Боқди самоларга нигоҳин солиб.
Ноилож юртидан айро кетди у,
Ватан тупрогидан бир сиқим олиб.

Она – Ватан рамзин қалбга этди жо,
Яхшилар ҳурматин этдилар бажо.
Иzzатда яшади, аммо ёдидан,
Ўчмади Ватандан бўлгани жудо.

Тақдирга тан бериб, Турк томон кетди,
Адана тупрогин паноҳгоҳ этди.
Миллат қаҳрамони Шермуҳаммадбек,
Етмиши етти ёшда оламдан ўтди.

Аллоҳ ҳақ! Шукрким етмииш ўйл ўтиб,
Келди истиқлолнинг шукуҳи етиб.
Рұҳлари шод бўлсин ҳалоскорларни,
Деб, сўзим тугатдим дуолар этиб.

Аллоҳ раҳмат этсин ҳалоскорларни...
2010 йил

Фойдаланилган манба ва адабиётлар рўйхати

1. Абдуллахонов Ж. Тарки дунё (Роман-хроника). – Т.: O'zbekiston, 2009.
2. Анвар Обиджон. Олтиарик ҳангомалари (Ҳажвия ва ҳангомалар). – Т.: Машнавият, 1999.
3. Азабеков Г. Секретный террор. Записки разведчика. – М.: ТЕРРА – Книжный клуб, 1998.
4. Алишер Бек. Азим Дарё. Буюк жиҳод, буюк мужоҳид. – Ёзёвон, 1992.
5. Аҳмад Закий Валидий Тўғон. Бўлинганин бўри ер (Туркистон халқларининг миллий мустақиллик учун кураши тарихидан хотиралар). Бошқирд тилидан Ш. Турдиев таржимаси. – Т.: Адолат, 1997.
6. Алиев Х. (Хидиалиев И.) Басмачество и народное хозяйство Ферганы // «Военная мысль и революция», 1923. №4. – С. 43–49.
7. Босмачилар билан сулҳ музокаралари // «Фарғона», 1921 йил 15 сентябрь.
8. Дервиш. Ферганская проблема // «Военная мысль». Кн. II. – Ташкент, 1921. – С. 108–118.
9. Залесский К.А. Империя Сталина. Биографический энциклопедический словарь. – М.: Вече, 2000.
10. Зиёева Д.Х. Босмачилик: уйдирма ва ҳақиқат. – Т.: Ўзбекистон, 2000.
11. Зиёева Д. Туркистон миллий озодлик ҳаракати (Мустабид тузумга қарши 1916 йил ва 1918–1924 йиллардаги халқ курашлари тарихинуослиги). – Т.: Faфур Гулом номидаги Адабиёт ва санъат нашриёти, 2000.
12. Краткий очерк возникновения и развития басмачества в Фергане. По данным к 1-му марта 1922 г. – М.: Изд. штаба РККА, 1922.
13. М.В. Фрунзе на фронтах гражданской войны. Сборник документов. – М.: Воениздат, 1941.

14. Норжигитова Н. «Босмачилик ҳаракати» ва унинг совет тузуми давридаги тарихий адабиётларда ёритилиши. – Т., 1996.
15. Норжигитова Н. А. Историография «басмаческого движения» в Туркестане (советский период). Автореферат дисс... канд. ист. наук. – Т.: 1995.
16. Раджабов К.К. Истиқлолчилик ҳаракати в Ферганской долине: сущность и основные этапы развития (1918–1924 гг.). Автореферат дисс... канд. ист. наук. – Т.: 1995.
17. Ражабов К. «Босмачи»ни қандай баҳолаш керак? Истиқлолчи деган маъқул // «Фан ва турмуш», 1995, №3, 28–29-бетлар.
18. Ражабов К.К. Мустақил Туркистон фикри учун мужодалалар (1917–1935 йиллар). – Т.: Ўзбекистон, 2000.
19. Ражабов К., Хайдаров М. Туркистон тарихи (1917–1924 йиллар). Ўкув кўлланмаси. – Т.: Университет, 2002.
20. Ражабов К. Бухорога қизил армия босқини ва унга қарши кураш: тарих ҳақиқати (1920–1924 йиллар). – Т.: Маънавият, 2002.
21. Ражабов К. Мустақил Туркистон учун мужодалалар (1917–1935 йиллар). // «Жамият ва бошқарув», 1998. №3. 46–49-бетлар; №4. 58–64-бетлар.
22. Ражабов К. Голиб армиянинг ... қора ишлари // «Шарқ юлдузи», 1998, №6. 163–180-бетлар.
23. Ражабов К. Туркистон минтақасидаги истиқлолчилик ҳаракати тарихининг даврлаштириш муаммолари (1918–1935 йиллар) // «O'zbekiston tarixi», 200. «I–2. 80–89-бетлар.
24. Ражабов К. Туркистондаги истиқлолчилик ҳаракатида мустақил давлатчилик ғоялари // «Жамият ва бошқарув», 2002. №3. 24–29-бетлар.
25. Ражабов К. Туркистон кўрбошилари қисмати // «Гулистон», 2003. №1. 31–34-бетлар.
26. Ражабов К. Фарғона масаласи: муаммога янгича нигоҳ (ТКП VI съезди материаллари асосида) // «ФардУ илмий хабарлари – Научный вестник ФерГУ», 2005. №2. 42–46-бетлар.
27. Ражабов К. Миллий озодлик ғояларининг халқ оғзаки ижодида акс этиши // «Ўзбек тили ва адабиёти», 2005. №3. 56–61-бетлар.
28. Ражабов К. Кўрбошиларнинг ҳарбий ташкилоти ва қўшин бошқаруви // «Muhofaza+», 2005. №3. 16–18-бетлар.

29. Ражабов К. Кўрбошиларнинг ҳарбий ва сиёсий ташкилоти (ўзбек, рус, инглиз т.) // «Moziydan sado», 2005. №4. 29–31-бетлар.
30. Ражабов К. Шермуҳаммадбек // Хўжаев М. Шермуҳаммадбек кўрбоши (Тарихий бадиа). – Т.: Шарқ, 2008. 288–290-бетлар.
31. Ражабов К. Фарғона водийсидаги истиқолчилик ҳаракати йўлбошчилари (1918 йил февраль-август) // Туркистон мустақиллиги ва бирлиги учун кураш саҳифаларидан. – Т.: Фан, 1996. 52–63-бетлар.
32. Ражабов К. Кўрбошилар қурултойлари ва уларнинг аҳамияти // Турон тарихи. Тўплам. 2004. V қисм. – Т., 2004. 22–26-бетлар.
33. Ражабов К. Фарғона водийсидаги кўрбошилар: жанговар фаолияти ва қисмати // «Фарғона водийси тарихининг долзарб муаммолари» (мавзуидаги республика илмий-назарий анжумани материаллари). I жилд. – Фарғона, 2000. 169–181-бетлар.
34. Ражабов К. Фарғона водийсида совет ҳокимиятига қарши муҳолифат ҳукуматларининг фаолияти (1919–1922 йиллар) // Ўзбек давлатчилиги тарихида Фарғона водийси (Республика илмий-назарий анжумани материаллари). – Фарғона, 2004. 97–103-бетлар.
35. Раджабов К.К. Вооружённое движение в Туркестанском крае против советского режима (1918–1924 гг.). Автореферат дисс... докт. ист. наук. – Т.: 2005.
36. Ражабов К. Курултой // Ўзбекистон миллий энциклопедияси. II жилд. – Т.: ЎзМЭ нашриёти, 2005. 163–164-бетлар.
37. Ражабов К. Босмачилик ҳаракатига оид иккى ҳужжат (Инамджан Хидыралиев. Исторический обзор Ферганского басмачества (из личных наблюдений); Басмачество и народное хозяйство в Фергане) // Тарихнинг номаълум саҳифалари. Илмий мақолалар. Ҳужжат ва материаллар. Хотиралар. Иккинчи китоб. Масъул мұхаррирлар: Б. Ҳасанов, Н. Каримов. – Т.: O'qituvchi, 2010. 195–245-бетлар.
38. Ражабов К. Мадаминбек // «JannatMakon», 2008. №3. 52–61-бетлар.
39. Ражабов К. Шермуҳаммадбек // «JannatMakon», 2009. №4. 34–41-бетлар.
40. Сольц И. Куршермат и автономия // «Красная Фергана», 10 июля 1921 г.

41. Тарихнинг ҳасратли саҳифалари. Масъул муҳаррир Н. Каримов. – Т.: Шарқ, 2006.
42. Туркестан в начале XX века: к истории истоков национальной независимости. Научный редактор Р.Я. Раджапова. – Т.: Шарқ, 2000.
43. Ҳўжаев М. Шермуҳаммадбек қўрбоши (Тарихий бадиа). – Т.: Шарқ, 2008.
44. Чўлпон А. Гўзал Туркистан (Шеърлар). Нашрға тайёрловчи: Б. Дўстқораев. – Т.: Маънавият, 1997.
45. Шамсутдинов Р. «Босмачилар» ким бўлган? // «Фан ва турмуш», 1997, №1, 22–23-бетлар.
46. Шамсутдинов Р. Фарғона қўрбошилари // «Фан ва турмуш», 1997, №2, 24–25-бетлар.
47. Шамсутдинов Р., Қодиров А. Шермуҳаммадбек ҳаётига чизгилар // «Фан ва турмуш», 1999, №2, 14–15-бетлар; №3. 18–19-бетлар; №4. 20-бет.
48. Шодмонова С. Немис ва турк тарихшунослигида совет мустамлакачилигига қарши кураш масалалари (1917–1924 й.). – Т.: «ABU MATBUÖT-KONSALT», 2008.
49. Юрина Е.В. Этническая ситуация в басмаческом движении // Расы и народы. Выпуск 27. – М.: 2001. – С. 168–181.
50. Ўзбекистон тарихи (1917–1991 йиллар). 10-синф ўқувчилари учун дарслик. Масъул муҳаррир: Д.А. Алимова. – Т.: Шарқ, 2000.
51. Ўзбекистоннинг янги тарихи. Иккинчи китоб. Ўзбекистон совет мустамлакачилиги даврида. Илмий муҳаррир: М. Жўраев, – Т.: Шарқ, 2000.
52. Ўзбекистон тарихи (Олий ўқув юртларининг номутахассис факультетлари талабалари учун дарслик). Р.Х. Муртазаеванинг умумий таҳрири остида. – Т.: Янги аср авлоди, 2003.
53. Ahat Andican. Cedidizmden Bagimsizliga Haricte Turkistan Mucadelesi. – Istanbul, 2003.
54. Bademci, Ali. 1917–1934. Turkistan Milli İstiklal Hareketi ve Enver Pasa. Korbasilar. 1-cilt. – Istanbul, 1975.
55. Costagne, Jozeph. Turkistan Milli kurtulus Hareketi (Ekim 1917 – Ekim 1924). Basmacilar. – Istanbul, 1980.
56. Ismatulla, Khayrulla. Colpan ve Cehan // Turkistanda Yenilik Hareketleri ve ihtilaller: 1900–1924. – Haarlem, 2001. S. 227–286.

57. *Hayit, Baymirza*. Die nationalen Regierungen von Kokand (Hokand) und der Alasch Orda: Dissertation, Munster, 1950.
58. *Hayit, Baymirza*. Turkistan im XX. Jarhundert. – Darmstadt, 1956.
59. *Hayit, Baymirza*. Turkistan Rusya ile Cin arasında. – Istanbul, 1975. – 440 S.
60. *Hayit, Baymirza*. Basmatschi. National Kampf Turkistans in den Jahren 1917 bis 1934. – Koln, 1992.
61. *Hayit, Baymirza*. Turkistan Devletlerinin Milli Mucadeleleri Tarihi. – Ankara, 1995.
62. *Hayit, Baymirza*. «Basmacilar». Turkistan Milli Mucadele Tarihi. (1917–1934). – Ankara, 1997.
63. *Hayit, Baymirza*. Berichte und Forschungen über Turkistan. – Koln, 1997.
64. *Hayit, Baymirza*. Milli Turkistan hurriyet damasi. – Ankara, 2004.
65. *Togan, Zeki Velidi*. Bugunki Turkili (Turkistan) ve yakin Tarihi. – Istanbul, 1942–1947; 2-Baski. – Istanbul, 1981.
66. *Togan, Zeki Velidi*. Hatiralar Turkistan ve Diger Musuman Dogu Turklerinin Milli Yarlik ve kultur Mucadeleleri. – Istanbul, 1969; 2-Baski. – Ankara, 1999.
67. Turkistanda Yenilik Hareketleri ve ihtilaller: 1900–1924. Osman Hoca Anisina Incelemeler. Hazirlayan Timur Kocaoglu – Haarlem, 2001.
68. *Turkistanli, Abdullah Receb Baysun*. Turkistan Milli Hareketleri. – Istanbul, 1945.
69. *Tukli, Abdullah-Zade*. Fergana Mucahidleri // «Yeni Turkistan». (Istanbul). – 1928. – N 8, 9. – S. 15–21.
70. *Yarkin, Ibrahim*. Turkistanin Buyuk Mujahidi // «Turk Kulturu». 1970. Sayi 91. – S. 495–499.
71. *Yasavi, Sahabaldin*. Turkistan accik Hakikatlari. 2-Baski. – Istanbul, 1984.
72. *Yas Turkistan*. Turkistan Milli Istiklal Fikrine Hezmet Eden Aylık Derdi (1929–1939). 1-cilt. – Istanbul, 1997. 1929–1930.

Мундарижа

Сўзбоши.....	3
Шермуҳаммадбекнинг болалиги.....	4
Кўрбошилар ким бўлган?.....	5
Ҳарб майдони сари	8
Шермуҳаммадбек – Олий бош қўмондон	10
Туркистон-турк мустақил ислом жумҳурияти хукуматининг раиси	13
Шермуҳаммадбек бошчилигидаги истиқлол жанглари	16
Фарғона муаммоси	17
Кўрбошилар қурултойлари.....	22
Халққа мурожаат.....	26
Сўнгги муҳорабалар	28
Муҳожирликдаги ҳаёт.....	29
Шермуҳаммадбекнинг хотиралари	31
Шермуҳаммадбек шаънига айтилган тухмат тошлири	37
Узоқ кутилган дийдор	41
Шермуҳаммадбек ҳақидаги ҳантомалар	44
Тоғдан тунгари Шермамат (шевр)	45
Латифа	45
Чўлпон. Гўзал Туркистон (шевр)	46
Чўлпон. Гўзал Фарғона (шевр).....	47
Аъзам Назирий. Шермуҳаммадбек (шевр)	48
Фойдаланилган манба ва адабиётлар рўйхати	50

Қаҳрамон Кенжәевич Ражабов,
тарих фанлари доктори

ШЕРМУҲАММАДБЕК

(рисола)

ўзбек тилида

Муҳаррир В. Умиров

Техник муҳаррир У. Хамутов

Компьютерда матн терувчи С. Ражабова

Мусаҳҳих Н. Сайдоҳмедова

Дизайнер Г. Насридинова

Компьютерда саҳифаловчи С. Сайдоҳмедов

«ABU MATBUOT-KONSALT» нашриёти.
100011, Тошкент ш., Навоий қўчаси, 16-А уй.

Телефон: (+99871) 241-0169

Факс: (+99871) 241-0173

e-mail: abu_mc@uzconsult.org
abu.matbuot-consult@yandex.ru

Нашр. лиц. А1 № 090, 16.07.2007. Босишга 24.03.2011 йилда рухсат этилди.

Бичими 60×84 1/₁₆. Шартли босма тобоги 3,25. Нашр тобоги 3,5.

Адади 2000. Буюртма №11-025.

Баҳоси шартнома асосида.

«ABU MATBUOT-KONSALT» МЧЖ
матбаа бўлимида босилди.

2945

“ТАРИХ ВА ТАҚДИР”

рукнида чоп этилаётган рисолалар:

- | | |
|----------------------------|------------------------|
| 1. АМИР ТЕМУР | 16. АБУ РАЙХОН БЕРУНИЙ |
| 2. АЛП ЭР ТҮНГА (АФРОСИЁБ) | 17. НАЖМИДДИН КУБРО |
| 3. ТУН ЯБГУ-ХОҶОН | 18. БАҲОУДДИН НАҚШБАНД |
| 4. ЖАЛОЛИДДИН МАНГУБЕРДИ | 19. АЛИШЕР НАВОИЙ |
| 5. УЛУҒБЕК | 20. МАҲДУМИ АЪЗАМ |
| 6. БОБУР | 21. МАШРАБ |
| 7. МУҲАММАД ШАЙБОНИЙХОН | 22. МУҚАННА |
| 8. УБАЙДУЛАХОН | 23. КАТТА ЭРГАШ |
| 9. АБДУЛЛАХОН II | 24. МАДАМИНБЕК |
| 10. НАСРУЛЛОҲОН | 25. ШЕРМУҲАММАДБЕК |
| 11. ШОҲМУРОД | 26. ЖУНАИДХОН |
| 12. АМИР ОЛИМХОН | 27. ИБРОҲИМБЕК |
| 13. УСМОН ХЎЖА | 28. МУЛЛА АБДУЛҚАҲХОР |
| 14. ФАЙЗУЛЛА ХЎЖАЕВ | 29. ҲАМРО ПОЛВОН |
| 15. АБУ АЛИ ИБН СИНО | 30. ПЎЛАТ СОЛИЕВ |

ISBN 978-9943-336-74-2



9 789943 336742



“ABU МАТВИОТ-КОНСАЛТ”